

白  
華  
詩  
鈔

白華詩鈔

南滙 吳省欽 沖之

劍外集

起癸巳三月止五月

唐都關內以劍南爲劍外自內而外之也放翁  
集名劍南蓋仍唐名之舊今之劍一州耳而其  
外甚遼廣巡試之次惟夔府足未及焉所得詩  
較夥釐卷凡四

惠陵

統正王分鼎園荒客拜陵三綱明漢賊一體託疑丞七  
爲論才喪觴因伐國稱蒼靈聞上告赤伏見中興覺起

荊州借兵煩益部徵連營雖合沓亂轍太凌競遺勅宏  
垂示歸喪儼式憑衣冠遊鳳輦樵採避魚燈豈謂降旗  
豎徒教哭廟騰村翁喧臘祭詩史痛年崩尙憶全川劫  
能呵復隧乘春鶻催暖序水鶴語寒厓綿竹陰交芘樓  
桑氣自蒸翠碑殘綠字玉殿就金繩後主祠終廢宗臣  
座特增夾漳疑塚滿臨眺孰沾膺

顧晴沙觀察坐上試蒙頂茶

蒙山影簇五蓮瓣祗平特書禹功建當時作貢無莠芽  
玉甃銀餅爲誰勸

自侯銀餅試蒙頂放翁句

誰披中頂栽八株鐵幹

棱棱記炎漢高者強尺低稠之采采爲期夏將半二泉

居士來錦江酌我一甌僅雙片展如柳葉病且黃泛若  
雪花白猶嫩味之忘味行舍旃欲劑薑鹽笑偏粲迭呼  
兩椀更三椀齷齪颺颺漱干遍初嫌交淡酒如元漸訝  
回甘果同諫熱氣洒脫清氣生始悔淺夫少深見方當  
茶信登上清欄楯重重撤孤院縣帖府帖紛勘磨絹封  
箬封急關傳蛻遺鱗甲非偶然下視諸園土同賤君不  
見諸園口業資賣茶幾代權塲趨打箭禹功在山不在  
此仙種雖殊何足羨君隣顧渚焙有期我住吳淞調無  
券論古空思捉戍嚴通爨要識防邊善此山叱馭吾必  
經莫以區區費茗戰

少陵草堂

出郭煙光淨分塍綠靄沈江關庾信宅涕泪屈平心弟  
妹家何託賓僚道自任草堂頻往返感事劇蕭森

五載成都住憑誰寄少貲柴門江入畫錦里日留詩芋  
栗比隣富干戈巨寇移元戎勞駐馬未必有艱危

堂廢猶存寺蒼碑蝕瘦蛟映階縈蘚髮隔院引藤梢佛  
火寒初地貞魂戀樂郊清江南浦外辛苦幾編茅

浣花溪縱好我愛浣花翁遺象風塵合孤名海岳同杜  
鵑啼慘切檜樹影迷濛不比雲亭蹟荒苔沒舊叢

訪石室故址

禮殿迹已銷講堂址猶在俎豆揚莘莘西京澤斯溉是  
邦服俗移西南仰都會子雲字體奇長卿賦心內誰知  
黼黻才教自循良輩太守來漢廷率廸著風裁受經與  
草元承學啟龔贖圖象嗟不存弦歌幸無沫森森柏映  
階淺淺草侵廡未聞稷下談庶見鴻都槩代興有高朕  
粟主食堪配獲醜賦言旋吾將此釋菜

得王述荈考功軍中書却寄

絲管紛紛聽浹旬書來窮徹話前塵江湖疎火雙鑿鎮

丁丑二月事

秋暑微風五鳳圍

戊寅六月杪  
同赴闕直

聚散畧經棋換

局飛沈那問路迷津一聞挾纊軍心煖劍外官人冷亦

春

棘門灞上耀雕弧細柳分明說亞夫策効平蠻信公等  
文成諭蜀倚吾徒戰場舊識鯨池劫陣法新懸魚復圖  
答報昇平無大劍腐儒襟抱祇區區

漁莊歸隱杳難同峯泐文章兩考功

夔仲官考  
功主事

不比軍

寮徵杜老尙煩禮殿訂文翁

來書有倡修  
石室之囑

吾循鬚髯侵

霜白君對旌旗裹血紅借問門生來捧檄亭前可復載

聊筒

謂鑑  
南

淒涼破瑟促湘絃家問應教我替傳嬌女知書依塾右  
老親善飯倚閭前投非孤注呼能轉識是當歸夢定圓

目斷馬蹄忙送喜，剪燈先掃屋東偏。

武擔山

玉魚蒙葬地，遠擔武都泥。絕豔山精化，歸魂石鏡迷。露華凝黛粉，春信過棠梨。太息升壇業，蒼茫杜宇啼。

青羊宮觀銅羊

青羊宮左羊帖伏，十指捫摩滑如縠。遂寧相國供道場，不自屠羊肆中鬻。漁洋初至蜀，尙有石羊，再至則失之矣。今羊係遂寧所施。錦官古城稀勝遊，石室元亭莽平陸。城南騰蹋信馬蹄，記說關

門度函谷傳經，豈待河上詮。後會還從蜀中卜，尹于羊肆來克期。一笑忘言慰幽獨，金文照耀誰共窺。紫氣縈



回那留宿爾時爾羊知在無不化青牛角殼觥一從灰  
劫經紅羊陌上銅駝草先鞠唐宗故事祠混元莫怪黃  
巾誣七曲坑儒之厄茲適丁月黑天陰鬼紛哭爾羊幸

不生爾時免與鼎彝付錢局

獻賊詭稱試士驅至青羊宮殺之又括蜀藩所蓄古

鼎及城內外銅象鑄大願錢

方今討逆越松維覆走麇驚賊日賊羊

如有神能觸之范像于門酬亦足區區戀此復奚爲銘  
字無多且百讀流聞痾癢關剝膚恣摸羊頭及羊腹手  
所乍到痛輒蠲醫院銅人效同速我無美疾惟諦觀琳  
宇盤桓媿清福豆瓜灌圃水泔泔松檜翻堦風謾謾鞭  
之不動叱不謫何處五羊穗啣穀

薛濤井

曹郎推校書乃有良家女塗粉兼掃眉芳名動軍府錦  
江春色多閉門枕江濤長波染短牋紅采映霞縷裁書  
固慇懃得句亦姍姍英英枇杷花昵昵鸚鵡語志墓得  
鉅公豈直爲歌舞人去井到今井存人益古湛然林竹  
邊汲綆禁攜取載訊碧雞坊吟樓鮮遺礎

鑑南戶部於選格當注鄜州牧頃權重慶倅事

赴營以詩寄之

不到梁州命不眞當年乞外只緣貧且收弄筆分牋手  
慙作評柴運米身詩老例應踪寄蜀選人格本路經秦

芋田種布知何許欲聽渝歌渺後因

蓬婆城外檄紛催縱說從軍異秀才礮火晝青穿幕至

匣刀夜嘯破礮迴賓僚落手能磨盾師友

謂述蒼璞函

談心

或舉杯莫道鑑南佳識少劍南也自鑑湖來

耳山以君號鑑南宜

有劍南之役故及之

課庸編竹籬作

九種珍川植家家竹影篩鋪堂看擘篔簹護宅教編籬磊  
落休芟節扶疎爲斫枝紛排同篔密橫榘戒根欹短短  
墻先及疎疎徑或窺貓頭成象蚤鹿眼命名奇也許牽  
蘿補寧煩插槿爲黃蘆嫌樸遯蒼枳笑離披地濕欣通

透風威耐壓欺安排重九會采菊賦新詩

駟馬橋

斥鴳守枋榆高鴻翔寥廓男兒志四方意氣恣陵轢長  
卿東受經師命守維恪忽撻結駟心遂著題橋作賦性  
本輕華安肯戀窮約入貲願已違薦文履尤錯他時羈  
矢驅邊徼耀開拓遜水告成梁名都驗懸竿居然精衛  
填家江晒涔勺小儒急功名鄉里盡罹虐雖前滌器羞  
奚當棄縵畧雄藩稱七橋占象應星絡茲橋跨細流徑  
丈喻橫約貴時衆悟希賤日士懷忤明經取青紫漢代  
俗先薄亦有敝貂人蕭條感垂橐

爲研齋明府題竹磻清陰圖

磻邊疎竹竹邊身冷翠無多也絕塵爲謝好風翻月影  
蕭蕭長和苦吟人

滄浪亭子鎖莓苔曾倚朱絲汎碧洄今日衙齋清似水  
那無小史抱琴來

黯淡秋痕點越羅錦城相見意如何試拈竹嘯軒中句

二十華年委逝波

圖作于甲戌  
有沈文憲記

食杞

官厨如散僧放箸厭豪侈畦韭先破禪聲價壓琅綺竝  
誇蜀薑鮮焉論巢菜美意行百無求忽見圃生杞綠蒸

糝茸茸青蕤點藥采宜茶候籃淪用井華水亦知苦  
寒性終得清淨理蔬香帶藥味芳菊庶堪比嗟爾名類  
繁釋詩昧宗旨爲吟隰有篇枸櫞實徵此寧煩鹽豉加  
况及蕨筍始謝彼肉食相來佐管城子

喜得少鈍大安驛書

乍辭蜀棧闕秦棧不寄家書附客書題處近仍千里內  
到來迅已一旬餘爲言唱賭雙鬟杳祇願烽傳隻堠虛  
風便訊煩通幕府節端歸準慰門閭

雨後

夜雨響新瓦攬衣何限心數聲啼鳥緩幾處落花深遙

嘯吐微翠疎窻含薄陰幽人倚芳樹無語坐調琴

仇英阿房宮圖

絳宮鱗鱗蕩霞綺鳳旗五丈豎梁底帶河踐華是皇州  
那惜咸陽三百里金銀隱見列仙家複道如弦馳翠華  
照胆直懸龍鏡古娛心長倚雁箏斜輻輳東來卷衣散  
美人鐘鼓籍炎漢一闕繁華焦炬飛沐猴狂笑成奇觀  
土木爲妖大厦歆未央黃瓦又開基豈有遺風閔周室  
祗餘明月照秦時十洲作畫矜亡轍渭水驪山幾興滅  
賦才慙媿杜司勳禪蝨吟成漏悽絕

題合裝吳興諸趙畫幅五絕

土淨煙空點欲無一花一葉惹秋蕪  
水精宮裏王孫盡

憔悴何曾似左徒

子昂蘭

蘭亭小字認斜行  
磁斗蘆簾位置當  
非九十三莖亦好

祇應呼作水仙王

子固水仙

蒼涼翠袖感蕭晨  
林下風標本絕倫  
掃出數枝斑竹影

湘夫人對管夫人

仲姬竹

一蹄一齧一嘶風  
韓幹丹青肉近豐  
留配乃公圖滾馬

不知文采爲誰工

仲穆馬

二王法帖三蘇筆  
闡閣論才畢竟難  
如此人家如此手

玉鴉叉上幾回看



騎射

淵雲久不作，卓郤安可無。蜀都美遊射，選士成一途。腰間大羽箭，腰下龍文駒。飛光激流電，鼓吏交雙枹。近前紛唱喏，神氣中晏如。頻年亟西討，失伍嚴逃逋。廝養亦無赦，民壯皆堪驅。小戎解大義，爾豈忘執殳。戰功庶以邀，射經惜以迂。井儀數前典，一笑良區區。

明莊烈帝御履歌

履以布爲之，簽記製造年月及工價，有貯後門外西什庫者，爲賦是篇。

信王邸似代王邸，璽綬光迎作天子，已憐未造觀黃星。

乍拾遺聞補彤史布履標題出內家公桑采采屏鉛華  
宵長幸罷提鈴警晷短爭從添綫誇尙功四屬首司製  
繡綦彩紉互聯綴揣稱停勺玉趾宜鉤稽瑣碎金刀計  
孝陵徒步起江東芾曷焜煌來會同每見高昌輪白疊  
那論蜀道貢黃笳視朝繩非傳家法中葉衰頽大璫狎  
牌禁先同敝屣遺山呼要把文綸壓手除元惡運乾綱  
滕袴曾勞七首藏邊城敝告鞞尖踢草澤紛乘屨底芒  
履霜不戒堅冰寸附螳屯蠶帝京困六宮香麝半捐生  
豈有官家事行遯天步艱難日脚沈高槐散影泪沾襟  
飄然隻履升西土識記流傳何限心起居當日甘卑惡

銅輦櫻棚映帷薄拆綫終虛報國材曳聲真散朝元閣  
百年踐土 德兼威什庫留踪鑿式微摩挲忽記開平  
甲奮跡南陽是布衣

屋漏

山泥黏壁席鋪椽有罅無光溜急穿滴瀝銅壺聽未準  
模糊漆簡寫難全風來東北稀乾土  
吳諺東北風雨太公路入西  
南本漏天誰道油衣能勝瓦征蠻小隊去如煙

附和作

姚蘭泉 秋塘

花版重重瓦亦全却留方空雨痕穿響隨壺底疎籤  
滴潤及床頭破瑟懸坐對半同晴隔轍放懷祇任觸

虛船故園歲歲秋風裏老屋蕭條賜壁眠

蜀錦

開國尊蠶叢授時習蠶市迢迢天漢間占星粲遐邇夜  
來支機石落地詫恢恢其城名錦城其水號錦水水波  
如練明濯錦遽增美綜染匠作窮輪募院司倚側聞九  
壁村雜組蔚霞起作貢咎暈繁告身盤毬委折枝與象  
生到眼眩金紫蕃馬千百羣折換數難紀論價壓花羅  
馳聲先粉紙遨牀多士夫纏頭詒歡喜豈知寒女梭軋  
軋皴十指我觀布帛饒寶賤載前史黼黻推卿雲大文  
廣衣被斐成雖燦然所貴豈在此 國家罷錦官匪直

戒濫侈纂繡善女工不寒政攸始欲求七襄報頗媿九  
張擬白賁筮邱園闐然貴貞履

蟬噪林逾靜

杳杳復沈沈沈蛭蟾沸暮林噪疑驚座吻靜悟樂山心濁  
穢身須蛻清華口漫瘖孤青迴石響一碧走商音促數  
攔街唱蕭疎落葉吟聒來方嘒嘒翳處轉森森涼影雙  
搔髻幽期獨理琴殘聲風曳去知隔幾重深

孫夫人按劍圖

太阿搖搖光逼座步嶂明珠秋水大如花衆婢刀在腰  
那有夫人銳翻挫阿兄斫案怒冲斗劉郎劈石如拉朽

雌雄會合賊膽褫誰嗾師婚啟戎首攔江鼓吹喧歸寧  
惠陵弓劍天沈冥杜鵑亂啼老燥哭荒磯風雨宵揚靈  
我聞長鉞短七習吳俗教戰深宮法尤黷斬蛇事業鼎  
三分二喬亦把兵書讀金幄采旄擅霸才望夫戀母恨  
難裁傷心爲語熊羆將休作江東貉女猜

屢得璞函戶部昔嶺軍中書却寄

少年同學壯同官同宅同居誼最難豈意獄詞連口漏  
故教戎幕覓身安郝隆語熟羈蠻府劇孟名高倚將壇  
尙憶淇泉驚執手君行我返涕汎瀾

簡詩雄健迥無倫狔鳥狔花點戰塵不是曠懷經決盪

那能瘦骨露精神魚將安訊排都準雀報歸期驗少眞  
差喜年來官入手俸錢且療一家貧

萬里迢迢戍出滇東山零雨訂三年還從萬里橋前去  
更把三年徼外捐金甲春銷需荷耒羽書曉勘替籌邊  
誰知烽火連營夜重敷行藏寄矮牋

幾輩荷衣上學堂孺人也離藥壚旁挈來老僕逢迎慣  
謝去佳兒往返忙何處班荆聯舊雨今朝題扇記端陽  
同爲歷井捫參客見面無緣只異鄉

雨發成都

行人未發雨先來雨歇雲濃撥不開衣上痕沾非濯錦

簾前響走似離堆更愁甲士添寒瘁敢信丁夫減熱埃  
籬外槿花煙冥冥短簑高屐插秧回

雙流

金花橋外路金翠別龜城響驟雙江冥煙疎一縣晴馬  
蹄山驛遠鷺頂水田清瞿上留祠墓臨風空復情

新津渡江

一江三四渡一渡兩三人淺草飢黃犢亂蒲行白鱗近  
山低似屋好雨細於塵何限桑麻影濛濛夾去津

邛州使院古桂行示姚秋塘陳六峯

桂乎桂乎不爲高節竹拄我緣崖涉坑谷又不爲連株



桑陰陰十畝枝拂墻山精木客咄荒院爾何連蜷不死  
翻昂藏一東一西作人立高者如拱下如揖今年小暑  
作黃梅雷火搜空夜靈泣服食劉安太遲回倚眠吳質  
增嗚吧州城之南大成殿兩階老樹眼親見劫脫魚羊  
物有神吟邀蘭竹時同賤用香山廬山三詠語歲華晚晚如汝何  
要汝作花要我歌我歌雖好姿婆婆勿使黃爵紛爭窠  
君不見鷓鴣一聲衆芳死涼影團團拾桂子

題楊邛州吟風閣曲譜

紅男綠女鬧連廂南部煙花點綴忙却把湘東三樣管  
教人枯淚濕淋浪

曾載箏琶沂玉京舊人一一米嘉榮竹枝夜續巴猿斷  
滾作梁州意外聲

臨邛佳話播千春導弩挑琴有部民艷殺唐蒙開蜀事  
班師偏說渡瀘人

倚閣吟風苦費才康王樂府冷如灰木床自度楊家曲  
誰付梨園菊部來

邛州咏古

郭裏山光郭外田人家團住竹林邊寒侵伏雨辭瓜果  
路控征蠻轍管絃挾彈有仙張遠非孟景回槎何客是  
張騫邛江一掬東流水但聽濤聲亦惘然

樹喚鶻鷁瓦竄麤誰將高厲訪君平支機石爛年磨碣

賣卦錢空臘沸笙一鏡似煩神物護半簾已令世人傾

劇憐卜肆從遊侶投閣蕭條草蔓繁

謝承後漢書遵雅性高厲曝書亭集

有君平遺鏡歌

好片銅山屬鄧通後來程卓竝稱雄先驅負弩爭諧汝  
雜作當盧故惱公車騎易因賢令重琴絲難得美人同  
犁田也發耕夫慨幾甕遺錢暈碧紅

僞學紛紛待別裁鶴山風義拔塵埃黨爭苦恨朝廷小  
侶課欣聞伯仲陪畧比胡安垂易洞謾同司馬築琴臺  
迎暉閣下經三宿欲辦心香冷未灰

長卿琴臺

雍容車騎出塵來一曲求凰絕世才  
餐遍春山眉黛影粧臺不見見琴臺

西禪東封託後車蕭條病肺恨何如  
平生未負凌雲賞爲有垂堂諫獵書

文君井

臨邛亦都會街南競施綆銀床幹未摧  
碧螿石猶炯不土并不甃輪困選諸嶺  
自非損嫁錢安能辦斯井獨疑壁立人  
典裘走如鋌兆巽羸瓶凶用宜滌器洞  
綺琴對綠鬢鑑此春風影一從餘潤分  
買宅謝公等如何白頭

吟無波心耿耿覆水恨難收高山賞誰省將毋消渴時  
祇酌金莖冷古來辱井多汙比塗泥濘名士悅傾城遺  
區劇淒哽畧存放誕名未構清華境陵谷幾遷移門楣  
尚微倖回聯遠山橫眉痕學妍靚

大暑前三日霽登迎暉閣望灌口諸山積雪

我行觸暑弭雙節十數晝夜天瓢傾青袍分行竦于鵠  
簷溜奮奪蒼蠅聲亦登高閣縱懷抱濕雲如絮團彭亨  
曉來鼓角響瀏亮却怪乾離無一鳴好山知我課晴意  
芙蓉幾朶排修莖亂峯西北入深處倒射朝氣搖光晶  
鱗鱗巒巒界微白點綴禿鬣頭孤撐寒暄氣候變殊域

謂是昨雪飛三更不然巨靈技偏癢一角戲截我帽平  
猿奴拊掌笑無那雪山公豈忘嘉名是山眠亘傍湫口  
西岳佐命尊青城太乙九仙闕巖洞以此封徑人難爭  
鴻荒到今古萬萬澌流霰集誰虧成漢蕃分戒繫誰力  
此山此雪長崢嶸比年兩酋作蝟負鳥道如綫驅天兵  
弓韃屨屏出鄆灌萬幕喧注紛瓶笙當其雨止雪轉橫  
雪霽又聽奔雷轟夏蟲語冰可三嘆空展簾篔敲棋枰  
夜棉午扇我尙爾千餘里况懸邊營中秋果箇此堪喫  
無負雪月輝泠泠

復霽登閣望遠山積雪不見

鳥翅騰騰隱翠堆高寒誰見雪皚皚衡雲海市空雙絕  
伏雨闌風僅一開六月登樓嫌好事幾時蠟屐媿非才  
優曇花影眞彈指萬喚千呼更不來

白華詩鈔

南匯 吳省欽 沖之

劍外集二

起癸巳六月止八月

發邛州宿百丈驛

驛後有栖霞山

日出城烏飛喜色動徒御漸移晝堞陰遂截綵舟渡流  
泉浸良苗淡煙隱遠樹頗覺所歷高罷飯大塘戍前峯  
知幾重點點引涼鷺複翠生柴扉孤青下松路廢縣雖  
不存孤館幸如故亭亭彙曲屏座後作環護江南一髮  
山僧紹渺何處笳鼓且勿喧迢迢夢歸去

金雞關



大雞何昂然高戴大蒙頂我循蒙麓行彼雌伏其影不  
飛復不鳴金距爲誰猛豈知乘標人旅平費咨傲厥背  
田可犁厥齒路能梗守關纔一夫老瘦目微眚語我行  
萬南絕險推相嶺羲娥半晌晴杉檜六月冷顧此如鷲  
雛雙轡請徐乘險夷遇有常在心豈在境慎母怯小敵  
盍且視平等嗟哉折臂翁浩歌忘酸哽下望蒙陽城一  
環滄煙井

蔡山

今名周公山

昨發百丈驛遙見周公山爭長惟大蒙西東聳兩鬢何  
年鑿混沌界以江勢潺高低繚千堞左右縈七盤

山名堂

堂武鄉侯在昔勞駐鞍周情與孔夢寤寐儀心顏自來  
伊呂儔豈屑蕭曹班伏弩示神授缺斨歌生還所嗟冲  
幼姿晚節終懣辱要其作廟初降鑒驚百蠻羌髮誓牧  
野公亦殷痾瘵欲語戒輕吐下有龍穴蟠

平羌渡望鐵索橋

平羌江口浪花惡我之渡江竹箒掠從船則危橋則安  
指點橋頭板橐橐優游掉臂同石缸熙穰摩肩勝木杓  
彈夫笑我言大夸險艱如斯逾架閣有剛百鍊柔繞指  
紛鎖交鉤亘蝟螻一絲孃孃百丈牽雙杙丁丁兩厓削  
枯椿瘦鐵相撐扶如艇在背脛在脚版之被鐵纜一重

不橫而縱罅歷落幾人窘步爭捷徑作隊踉蹌似猥獍  
足所未到腰已軟搖颺風旌了無薄四顧絕岸先徬徨  
下瞰澄潭尤錯愕前年負戴過者多十條索截七條索  
千夫瞪視慘呼洵白日青天餒鮫鱐而我聞言起三嘆  
夷險信天倍寬綽古稱州域置繩橋人說星文應井絡  
唐蒙發卒馬卿論漢代沈黎遂名笱連峯蔽日陰檀欒  
繞郭含煙響膈膊我儕題柱志未殞爾輩成梁庀誰託  
使節還須瀘水行廟謨那數靈山拓嗚呼安得此索飛  
度刮耳崖加頸銀鐺二首縛

雅安使院雜題

三面滄江一面山山城兩戒控諸蠻誰知餽饋軍裝外  
多少青袍迓北關

鎖院新營近頰宮百金誰買小玲瓏推窻細數朝曦影

偏似平羌水向東

院齋東  
北向

蕉紅蓼紫水添瓶祇欠龍觀山名一角青忽聽閣鈴墻外

語幾時借作看山亭

如睡煙鬟枕月心半迎朝霽半含陰峯巔百頃平於掌  
未許樵耕借徑侵

盲風凍雨昨消除簾簾箸連杖丙穴魚却記青衣橋上過  
幾曾撒網見村漁

暮暮朝朝白紵衣，掠檐蝙蝠到偏稀。  
撲來謾道蜻蜓小，此是花蚊作隊飛。

木桃花與海棠同結子，曾教賺獠童。  
饑殺林禽酥樣軟，搓來也似佛脣紅。

罪言才氣紫薇稱，親把阿房示武陵。  
爲報虎頭更癡絕，

惡詩重與夜挑鐙。

昨和凝臺四詩寄示晴沙頃見報云病中挑鐙讀之霍然起坐

雅州得補山學使貴陽書却寄

君按黔中我蜀中，當年蕩節往來同。  
犬能吠日情多怪，驢解鳴山技易窮。  
敢比江湖懷魏闕，故應鄒魯變夷風。  
青青不及筇枝影，一路陰連貴竹東。

銅壁峒峒瘴霧昏短裘身裏待招魂已無埃麤驚諸吏  
薄有涓埃動至尊衛婦下車言未敢楚人泝統價休  
論祇憐解糶金盤會爲殮荆釵返玉門

髦牛徼外對床難遠問傳來強自寬一字盡能關痛癢  
幾人曾與念饑寒征夫病婦團團夢嫁女婚男黯淡看  
話到隔牆居住好喜心多遣泪痕乾

羈縻古郡穴關巽三道懸軍問不庭新驛細籌諸葛筆  
雄關遍勒孟陽銘橐垂爛顆沙漂白梯突危礪髮繚青  
慙媿枝官閒袖手檉陰榴火鎖深廳

柏棚

朱藤颺歲蕤青豆結絡索如人建豎成山林異臺閣所  
難叫嗟辦孰禦暑雨惡我行楚粵黔郵館恣評泊每見  
簷落間榭竹挺垠塢上有松榭毛團蔭若油幕既避天  
瓢淋亦障火傘虐透風涼疎疎滴露潤漠漠持謝金華  
人支篷例可削雅安圍萬峯試院翳林薄誰叅柏子禪  
采采布枝格鸞翎翅襪襪佛頸掛瓔珞綠移芭蕉菴青  
亘葡萄幄惺忪漏影纔郁烈沾香各大可資游盤了不  
費工作焉得萬千架彌滿置村郭側聞聲罪師饒道鑿  
巖嶠苦無戎車芘兼少版屋託當其凍雨飛檜楫郎不  
若是柵幸預籌負戴免溝壑因思老柏塗歲星果善護

隱語我謾能百朋賜休卻

登雅州城樓和杜凝臺觀察韻

丹樓浩浩湧蒼雲巒府陰森號令分出塞刀弓移竟夜  
上天芻粟點斜曛雪殘斷嶺猶封夏瘴接諸溪却化雲  
回首成都連沃野椎牛端合饗千軍

萬帳堂堂左右中孤城南控首論功蔡蒙旅幣堯封儼  
沫若成梁漢節通玉馬詎應朝小醜金貂何止被元戎  
紫光閣上圖褒鄂奏捷還看系贊同

刺閨書裏漏丁冬遣使頻過百二重每有羌情探夜尉  
幾曾嚴道廢春農礮車箭服軍資重鹽井茶場市氣濃



多少金錢來內府翻教率口免輸資

雅雨排宵鼓凍聲振衣臨眺默關情嶺銜大相須銘碣

江識平羌且滌纓武庫胸羅聞獻片文壇目昧媿披睛

烏衣門巷

謂徽田比部  
蘭泉吏部

多磨盾倘許傳看到列營

黎椒

楚產喻芳馨晉產喻蕃衍黎產今最良縣齋歌勿剪山  
家分種繁尺寸爭孤蠹素葩春蕤蕤紅實夏纂纂屑食  
差可調紉佩不容撚文成木叔奇譽壓天仙顯惜哉吐  
葉初未飼野蛾繭而以薑桂材物土俾充選我握誰與  
貽我頌誰與勉檄木郭注徵蓍藪陶篇撰嚮非五行全

焉得濟盧扁彼哉昧履支

胡椒名

攘號屏前典

### 黃連

荒徼嗟不毛藥物重斯草葉捎青鸞尾根攬黃雞爪水  
槃兼苦寒壓倒蓼蟲蓼當其處巖岫物色競來擾長鑿  
白木柄託命謀宿飽市販秘多多土貢備稍稍豈無熱  
毒病開囊藉一掃重典施亂國元氣虧不少瑤光獲幾  
極琥珀苓四遶斯皆王氣鍾仁壽世長保所以皇天慈  
擯爾產巖道良相如良醫喻大言則小

### 將之寧遠寄查丈儉堂觀察美諾

七年前送功都去我赴功都見轉難出袖縱教懷素札

賜環仍復滯雕鞍  
摩沙舊種傳謳遍  
滴博新營按部寬  
願及天河洗兵早  
細傾尊酒話長安

謗書薦牘兩侵尋  
雨露雷霆感涕深  
率屬有才存衆口  
留田何策得蠻心  
休將蜀道論難易  
祇要王師識縱擒  
試上層礪瞻木果  
陣雲明處角聲沈

轉粟青天嚮未疎  
營平十二比何如  
計分軍國資籌箸  
勢控華夷藉補苴  
昔夢待持津水蟹  
全家猶食錦江魚  
借山居畔松篁影  
却望桃關似故居

驂鸞錄罷錄吳船  
宦跡經游儼後先  
馳傳自惟行遠道  
枕戈公已過中年  
瘴鄉齒脫天曾顧

觀察會守粵之  
太平當赴守寧

遠入觀時奏及齒脫  
上爲注視久之

雪戍腰埋賊未憐

借用元道州語

正是黎

風兼雅雨瑣牕投筆漏痕連

聞璞函殉難木果木以詩哭之

傳來依約聽分明喪七蒼黃百里驚帶職諫容譏入幕

論兵畢竟悞移營書沾雅雨生難逮

初八日尙有書致之骨陷沙

場死亦榮淒斷一軍刁斗夜殘星黯黯影熒熒

六載抽豪傍帥旗凌雲舊賦九重知敢言識字生憂

患頗悔從軍起別離金帶圍腰遷有敘茅檐曝背話無

期他時曝背茅檐底半話金鑿半玉門璞函舊句帷楹草草供雞酒兒女長安

哭望遲

君過成都我遲來我行越嶲鬼紛哀拋殘卷軸牛腰鉅  
檢到衣冠馬革乖握手至今通夢寐酸心何路問輿僮  
平生知己原無幾試撫牙琴響頓摧

雨抵榮經

竹霧沈冥石磴遙棕櫚葉暗接芭蕉楚人聚落空巖道  
漢相威名始孟橋峯勢極天圍古障淵聲終夜打秋潮  
來朝走馬關山阻欲醉芳樽意已消

過大小關山

關上復有關山上復有山關山陡上更無下一下百上  
增孱顏初如螺旋後蛇蛻步步紆折腰彎環粗者爲砂

大者石石礪陰森卧蛟脊晴天白日轟怒雷亂洒飛湍  
打行客林虛箐密熊虎驕畏險不我爭秋毫危峯壓人  
面休仰颯漑愁煞陰風搖野店蒼涼傍荒戍歇馬店前  
倚枯樹山家却指相公嶺如此關山是平路

大相嶺

既拜丞相祠遂陟丞相嶺祠荒嶺更荒石簡怒交迸一  
鞭蝨其間尺寸靳移影碎石軋馬蹄危轍墮人頂所喜  
身歷高下方瞰智井蓬蓬鋪白雲萬古混溟滓得母龍  
與蛇噓氣蔽曦景蟄物忌陽靈鼓角響斯屏當時景川  
侯隻手選頑獷爲德苦不終鼈行命須併不知未選初

丞相轡焉秉時清險自夷世亂坦皆梗我亦渡瀘人吟  
成越羅冷

清溪

僕馬盤雲下邛人雜笮人孤城浮薜荔數口託蒸薪瘴  
遠山仍合泉枯叻未勻闌風吹到曉百里劇清貧

白雞關

關上有伯奇廟俗訛爲白雞

吉甫眞雅材穆如被弦誦云何疑掇蜂有子隱啣痛茲  
土周孳人風教阻愚蠢淒涼履霜操傾耳聽誰共廟貌  
儼降靈關名誤起訟白雞瘖無聲今古罕折衷翻疑猥  
夷俗詛盟爲援重十姨詩老訛百牛聖門哄要知純孝

心慄慄格有衆拜罷登筍輿下關如入甕

大渡河

南條尊大江木塔溯戎微濫觴非自岷特以禹功導平  
羌首效職直下卷飛瀑是川不受成突起勢雄莽蚴蟻  
青龍尾矯然作東掉尋源在土番到此極票姚雖亦歸  
夔門其利溥黎微竭來萬工坡牲醴異神勞絕壑戒舟  
航縣流戍旂燾大澤徙龍蛇深山遷虎豹如何畫斧人  
斷渡棄南詔智乃遜韋臯積弱可先料擊楫歌慨慷何  
時計魚釣

宿白馬寺



山雨分龍洒未勻一程泥淖一程塵三家絃誦超牛種  
千戶簪纓厠馬人黎州土司馬姓自言岱後後幾輩使星留絳節當年  
佛火脫紅巾階前雙樹吾憐汝如許婆娑厄幾春

自大樹堡至河南堡

亂石堆連亂棘堆栖栖犯暑上崔嵬泥交虎跡腥難散  
風送花香瘴易開折坂舊驚行道夢籌邊終藉濟時才  
征蠻箭手知多少細數秋風畫角哀

曬經石

白馬馱三藏能消水火災石壇平似掌猶自曬經來

聖泉

武鄉定南方感恩念魚水行軍逢啞泉瘴癘固有此冷  
然一掬甘聖藥在清泚酌罷笑啞啞如痿勃焉起毒涇  
病遂多望梅渴先止古來司馬法往往託神鬼地可證  
黃圖事乃畧青史試觀南站山山寺雲嵩美名蹟雖稍  
移依舊瀉瀾瀾視彼拜井人盛跡庶倫比精誠天所憐  
煩擾靈或徙斯語出啞羊作詩聊記里

發平夷至深溝

平夷山未平飯罷戒徒御盤紆千百折礮聲撼高樹團  
團覆蒼雪冬青作花處離立一二三空腔鐵生鑄合抱  
蔽泓宮窺鳥驚復去前行更怪偉濕毒透涼霧蚓徑時

斷連沒水學屈步脚軟心蕩搖清磬出孤渡烏盆紅欲  
然龍爪黃競吐何來綠髮人古木蘚痕互峭壁臨夾谿  
四絕女蘿附連朝苦扳躋恐恐失佳趣此如秦棧幽煙  
霞足沈鋤田荒無可耕焉得結茅住

宿海棠

花色繁西府流聞舊繞池亂雲攢古市雜樹冒荒陂馬  
客秋通販銅官晚整炊卽今逢處暑已是雪飛時

越雋道中

黃綾封勅馬蕭蕭弓箭行人各在腰行轉前山山更轉  
深林暑月不聞蜩

東西流礪健於龍無復茅亭覆磴春一樣煎茶坪上雪  
秦山回首白雲重

一閃紅轟礪走山筍與推挽仗花蠻何人爲譯侏儻語  
鸚鵡成羣降樹間

嫣紅姹紫鬪春前幾串珠毬夾翠鈿怪底姚家花樣蠢  
秋來別占牡丹天

魚洞原無潑刺波村村槃瓠種遺多從今會得吳儂語

畢竟羅羅是猓獾

羅羅河一名猓獾  
猓獾吳人呼狗聲

會貢華絲被麗娟百花妙舞影蹁躑君看萬本冬青樹

祇剩貧家種蠟田

禽幽果怪未知名枉遣蠻司管送迎莫忘鯨鯢封骨處  
旌旗如血大刀橫

涼山面面遶貔貅聚米輿圖掌上收只是嶺家舊城寨  
土人偏說廢蘇州

小相嶺

羣岳尊華嵩二少佐二太相嶺踣川南名不厠蒙蔡黎  
州百廿盤仄徑愁旌旆憶昨經蠟關三舍路通泰豈知  
操縱權造化弄狡獪驅使石丈人扼要肆饕害峻嶒棧  
巖間十趾劣如鈇前有一綫厓下有萬壑瀨旁有千章  
木青蘚髮縈帶濕霧噓毒滌寒颺埽盲昧一降翻百升

天梯絕附會夜叉隱伺客依約山脊外吹落侏僂聲裸  
夷信無賴羽扇緬指揮銅鼓感鏗磕重關鎮上頭衢祭  
應未艾津梁嗟已疲孰能爲之大

下相嶺歷象鼻至白石塘雨大作

下嶺馬足輕微聞僕夫語來程皆小坡息肩謝邪許峽  
泉輿下行瀘沾滙支股漸西勢漸驕萬山更幽阻化爲  
蠻象奔鼻卷脊尙俯臃腫堆困輪戍削立城府兩巖鬪  
欲傾一闕葬行旅藉彼白玉龍鴻溝判漢楚奈何飛上  
天作陣打急雨洞門避不遑深恐伏羆虎虛空涉嵌閣  
屐聲濕於鼓石磴如卵危石棱如劍舉人生非草木膽

氣敢豪鹵雲棧本夷夷區區復誰數

瀘沽峽

峽有  
啞泉

新橋峯影迴穴磴度單騎下吸飛練光滌滌倒層翠銅  
槽滙淨潺鐵厰溜澎瀾稍見秔秫田引流獲霑溉浩然  
朝金沙不受廣源治河身忽縮行兩疊迸一氣玄素幻  
須臾椒圖恣挈戲陰沈鹽井溝絕峽那可縋重巖削鐵  
色鏦鑿似孤隧有時十字裂樹根穿若臂善崩訝沙性  
萬木支九地碑蘚摩空岷啞泉駭狂醉士非吞炭俠師  
合銜枚濟且隨猿鶴羣望望趁墟肆

自老鷹至松林山間皆小松怪詭特甚

異俗能種松不尙老尙穉丸丸植陽阿鬱鬱蔽陰隧蹲  
爲綠熊毛攫肖青猿臂株尺根廼等子落蔭猶虵左右  
闔轉旋上下幻豐銳瓷斗供較宜礬絹寫容易自非樛  
棟資庶共樗櫟棄槎蘖禁蕪疎樵蘇利將倍以斯墓棘  
偕於熤苑桑類挂枝代結籬蕪膏謝束燧材不材不同  
用無用無異孤生幸信天一出須擇地青岱謝秦皇黥  
山憶軒帝何年掄鄧林鉛貢載圖誌

七夕抵寧遠

纔上蘇州又德州稻花雨過蕩花秋綠牕綵線居夷杳  
粉堞華旌切漢浮燈爲山空明似豆月因天近大於鉤



旄牛徼外牽牛節不是煙波也合愁

寧遠懷古四首

附葛捫蘿上百盤和門碁布角聲攢天低下界三辰大  
候逼中元萬甲寒沫野虹收雲黯黯却都驛廢水漫漫  
簡書多少隨猿鳥莫訝人間道路難

連山鼇戴此開坪益斥規模始漢京傳入西夷稱大長  
計先北伐効長征革囊溜緊迴三渡雉堞峯危冒九城  
高望始昌分苑廣當年天馬劇崢嶸

武侯城畔泪沾衣遠甸心傾仰德威塞繞蜻蜒來欸欸  
沾連鸚鵡逝飛飛繩橋若落情難測玉斧關河事本非

却笑荷花生日裏幾村蠻女蹋芳菲

番俗以六月二十四日爲元日是日

異人謂之荷花生日

種火耕刀一棧慳牛半斜散草坡間鹽波試問摩沙戶  
金氣休貪斛棘山三代鉞旄共茅濮百年衿胄自邊關  
蒼涼更發沙蟲慨細剔荒扃蘚字斑

### 使院望邛池

邛池如滇池廣袤里數十稱河亦稱海瀘山受噓喻蛙  
鵝名蚤微魚蛤利粗給齋淪閱冬春霑漑逮原隰誰知  
百丈底有縣漢京立漢皇通夜郎笳夷版未入馬卿底  
畧定都尉賴綏輯滇北冠蓋同沫西寶費集神龜眼閃

閃鉅鼇脚岌岌可憐驛置衝奄化溼銀溼勃碣苞混茫  
河華擘雲霽溺成茗溪潮陷肖由拳邑揚塵杳仙遊爲  
谷驗雅什窮邊黷民命天做法斯執嗟民實何辜蠙衣  
慘啣泣瓠子歌競傳竹王號仍襲幸生清晏期征輶載  
囊笈曠望城東南淨練遠堪挹測影失鐘樓泝光渺航  
楫懷古心鬱陶投鞭蹟終及

藍草

小草連畦治龍葱拂翠駢茜卮紛運計槐蓼細圖形度  
地兼苳種徵時異莢零交光迷蕨砦搖彩上莎庭接棧  
痕先研爲池澱輒腥鼃天濃過雨拖水暗沈汀縷挂蠻

邦陋伽裝佛舍靈分旗排隼羽壓帽颺鸞翎采記盈偕  
綠揉教出更青關前姿麗殿田外影瓏玲賦佐輸寶域  
名垂掌染經九江雲樣紙題罷墨痕熒

噉青豆筴作

誰種蠻山一頃田金風吹綻露花邊連房嫩簇青蟲擾  
帶筴勺蒸紫蛤鮮小院清齋葵葉外貧家真味菜根先  
嘗新恰對銀河淺憶配新糲薦巧筵

鸚鵡

番鳥番花遶翠微鸚哥無那試飛飛出山踪迹聰明少  
戀主心情問訊違半點輕紅才子筆十分慙綠美人衣

三十一  
三  
娠隅此地工蠻語可向慈雲說淨依

仙人掌

木非木卉非卉似掌非掌指非指掌如葵扇團指如芒  
鞋底厚或扶寸廣踰咫初疑綠石割自洮河邊又疑綠  
玉撈向闡河裏土人拊掌紛訾訾金莖承露誰所操太  
華一峯現縮本特與荒徼光不毛瑤草琪花浩難訪橘  
柚空庭致蕭爽老饑扳弄思嘍之聞道肉芝原似掌

板房

蠻郡艱陶埴三間束板宜偈叅開士語

用禪惠大師瓦屋何以蓋木皮

語名紀小戎詩搭架披松鬣黏牆補木皮只如撐短艇

風雨坐移時

石屋

溝瓦全無次山家體製超平鋪容偃仰穩構謝飄搖雀  
角穿應息落斑暈未凋所嗟漢循吏禮殿土同焦

松籬

館垣何歲毀一架桂松毛斜日惺忪透疎風歷亂撓編  
來勺落子穿去暗飛濤怪爾蒼髯叟涼陰散鬱陶

竹闌

誰截勻圓節長廊次第安青紅紛渲染十二故盤桓不  
厭扶清晝曾憐倚暮寒老夫斜點筆也當石闌看

任明府招泛邛海登光福寺

城枕危坡郭枕泉  
稻畦黃送老晴天  
如何雲磴松關影  
不擣成都十樣箋

六柱春船夢故遙  
霜蹄平蹴海門橋  
明燈錯彩波圍鏡  
獨木漁舟且獨搖

大漁村接小漁村  
岸柳溪蘋褪漲痕  
等是山遊向光福  
魚香歌細試開尊

白銀盤子捧青螺  
唐代真身蹟未磨  
聞道將星新授節  
願留詩版續饒歌

寺有萬歷丁亥潮陽周光錫飲至二絕時副將軍阿公桂新拜定西將軍

歸次名山劉大尹四儀促爲蒙山之遊偕姚秋

塘陳六峯飯智炬寺

寺有淳熙  
年省牒

旋旆指良隅，險脫迓平地。朝暉射城郭，一飯勘餘事。主  
人喧戒塗，要我香積寺。同心占得朋，還儻西南利。水田  
禾半登，石逕草偏蔚。橫斜暑杓間，迺有嘶風騎。野雀交  
啾啾，林蟬故嘒嘒。入山本未深，恐被導師議。自叅苾芻  
香，那厭蔬筍氣。省牒看依然，巡檐刻苔字。

登上清峯觀甘露井作

大蒙告旅平州域，紀梁土岷嶓及蔡山。作配壓東魯，螺  
旋八九成一成一鉤。距後頂頂前趾直下曰投杵，非無  
尋丈坪雷動栗雙股。野僧掖我升，倏忽假毛羽。芒芒開



關初先隕宋星五嶮嶒冠此巔震警萬羆虎聖燈與鉢  
盂紛效三命俯瓦屋挹虛嵐平羌圍弱縷瑤漿闕石版  
仙茶試偷煮龍蜃靈昭昭一勺復奚取蓋頭少荷葉返  
館打急雨人言初祖師詭異十光普誠感若衡雲我意  
疑神禹甘露非覆以石拔發之則雨是日良驗

劉大尹送上清茶

蒙頂陽氣全小滿報茶熟當其穀雨煎却闕數芽綠八  
株標八仙薄采僅盈掬不滅并不生尺寸蠟肌肉副仙  
纓二株雖長平聲等弟蓄關楯結構牢鳥雀避闕宿配位  
森外藩西東時如鵠良隅菱角灣亭亭秀推獨是皆供

兩宮計葉一百六銀餅祕封題土竈慎烤煇一葉泛  
一甌何代創官局官司工索癩下乘貯敗籠持較園戶  
輸地分判主僕傳聞甘露師手種澤均沐時惟漢西京  
法未闢乾竺苦檀箋未行飲茗爲誰卜昔我曾作歌信  
口不信目豈其旗與槍而護六丁躅大尹應且憎厥土  
手嘗斲巖磴忽動搖靈物敢輕觸卽如甘露井春沾覆  
版玉發之汲盆罌雨師輒騰蹴烹泉散芬馨小啜饜清  
福笑謝桑苧經更輟端明錄

邛州道中

山外山無數山窮水又長斷雲松葉暗疎雨豆花涼廢

隴犁全熟遙墟費竝將酒家頻借問野徑逐牛羊

白華詩鈔

南滙 吳省欽 沖之

劍外集三

起癸巳九月  
止十二月

慰忠祠

祀戶部主事上海趙文哲刑部主事滿

建吳一嵩候補知府江寧王如玉府同知舒城

鐘邦任通判休寧汪時浦城吳景知州會稽吳

璜承德常紀漢陽徐諗南昌彭元璋知縣陽湖

徐瓚渭南張世永嘉善許椿宛平孫維龍貴筑

章世珍仁和程蔭桂及其子烈布政司照磨臨

榆倪鴻縣丞仁和倪霖吏目宛平羅載堂巡檢

臨桂郭良相典史光州吳鉞東安許濟寧河周

國衡其地在少陵草堂之西顧觀察光旭權視

蜀泉倡議共成之以七

月十六日奉主入祠

王春歲癸巳六月初十我軍軍昔嶺滑澆朝徑溼定

白華詩鈔

劍外集三

邊印如斗誠子預藏襲獵獵移纛旂未暇整伍什將投

木果旁堅壘待重入中道膏賊鋒師潰咎誰執一雙蘭

署郎

趙農部  
王比部

機庭練批答袴褶來從軍併命祇呼吸常

徐瓚

司度支吳

嵩

羅備典給隨行卽隨死僵卧委韡恰

以上列  
難昔嶺

先時番孽降野心欠馴習招搖颺白旗還性悄

游諜聊以夾霸

番語強  
劫也

嘗各各繕槍鋏將軍置罔聞餘

黨執竦讐驟窺美卧溝朔日晚告急提臣防禦單倉猝

斃羣嚼遂延喇嘛寺欲向別駕

汪

脅父子甘舍生褫剝

逮縋繞角礪檄報同科多火攻合鍾程暨仙尉

許濟

望救

痛何及桓桓推郭吳

鍼

半通寄冗關相持閱幾朝相格

斬幾級

郭守占固凡十一日始破吳守澤爾多殺賊數人始斃以上糧站各員自郭外皆以初三至初

九等日被害其餘十三人皆初十後從督臣登春退師途次遇害

勢去終莫支礮臺跡

旋躡吏卒慘歔歔商民駭馭踏號呼赴太營營門拒弗

納侵晨敎大開出走擁蹀胛將殞兵竄亡瓦解浩難戢

登春駐重臣棖棟驟摧拉且戰且退奔矢石冒千疊取

道爭兩厓厓上礮聲接從官十三人先後尸枕壓辟諸

牽網時豈復漏魚妾肉爲饑烏銜骨爲訓狐獵豈無輪

運賈折臂爲升合豈無負戴夫斷頭爲囊篋豈無屯戍

士決脰爲垣堞國殤不勝書鬼錄不勝牒文臣不惜死

公等更酸喑晴沙東林喬倡議議皆協度地依草堂筍

林斬叢解芝栴映藻井粟主替畫嬰橙陰映蕭蕭鸚語  
喚恰恰悄然魂氣來碧血洒丹闔能爲張巡厲如傍要  
離俠麻鞵杜陵叟慘切效長揖心肝奉至尊今古匪殊  
轍慰忠祀江城昭忠祀京邑姓名婦孺傳事蹟史宓輯  
所嗟擒蠻計葛亮竟帶汁風鶴警蒼黃沙蟲莽嘈雜本  
非幃帳叅而歷疆場劫赫怒揚 主威義憤激兵法禁

旅交龍驤隣師亦鱗集幕府稱定西賊庭竚犁鍤以慰  
存者心繫組任敲吸以慰亡者靈傳芭永伏臘尙有楊

鄴都轟雷運歎飲給賊殲數人斯舉漏章摺身殉衆競

憐廟食爾同

懣鄴都令楊夢槎管理礮局昔嶺潰爲賊  
所得脅令演礮楊教不如法殲賊十許

人羣賊嚮之自軍中來者多傳其事而請卹未及是冬  
兩督臣查奏夢槎以奉命撤局回營于山溝被害得贈  
道銜而周國衡或經死  
難或被冲失另察報聞  
樞拜脩辦香陰景耀靈曷

九日奎星閣懷諸弟

閣在錦江書院後

峩峩傑閣倚寥天  
瓊菊囊萸汗漫傳  
萬里風霜沈九日  
一時星斗麗三川  
交高吏術絃相和  
韓范軍聲旆未旋  
京國家江吟眺迴  
幾回愁數雁行偏

次韻晴沙觀察送京兵出灌口五首

枕戈子夜午腰弓  
走送勞勞亦効忠  
低堰秋禋神憤綠  
高臺晚吐聖燈紅  
飽騰士馬行歌處  
洒落君臣想象中  
多少閒雲浮玉壘  
肯聞魏絳說和戎



松州遲遣殿前軍昔嶺峩峩駐八門未有熊貔堅關志  
可無蟲鶴慘啼痕楊儀斷後終難恃先軫歸元且莫論  
豈獨九重亟西顧同仇同澤各聲吞

新崇節鉞整旗槍指顧風雷萬衆驚難蜀高文連牘定

周少司馬讞獄還蜀爲文以喻擒蠻上策濟師成截芻輓粟非迷道火

器雲梯是勁兵細數南陽諸將相休因徒步厭長征

架棧崎嶇世盡知青驪盤遠路如絲乍聞劍閣淋鈴夕

終見潼關拓扇時絳節竝開韋李府草堂旁建許張祠

分明邊月蒼茫影徙倚城樓鼓角悲

湍水堤邊暫駐旄傳來魚腹有瓜刀間關役使紆籌策

誹怨詞章薄雅騷出塞五篇長寂寞期門四姓要粗豪  
腐儒分少匡時畧笑別荷缸看孟勞

錦江舟發

霜降葉未丹背郭逗寒色閣鈴語天風送我契憫隰江  
流枯一綫邈絕鷺鳧迹漲痕膩青黃霞影掩朱碧茅茨  
三數家歷歷水南北湍迅行轉紆溜寸舟則尺以此誇  
下灘日計里不百何當瓜蔓生發機快電激漂蕩知有  
由遲遲泛安宅如逢漁釣師投竿晚佐食

彭山晚泊

錦水明於錦騰文下武陽古城營壘治廢壘識彭亡酒

熟浮蛆瓮花收養蜜房不逢羹雉雙短棹極蒼茫

抵眉州不得謁三蘇詞

眉山一簣高眉州一斗大譬諸曹鼫那牛耳敢爭座堂  
堂三蘇公崛起天荒破萬古來瓣香不遺弱一個我乘  
下水船浩歌出沙邏嫵媚修竹成浩蕩白鷗過搖搖翻  
酒旗團團走茶磨庶幾羞沼蘋山城指牛卧家法雖縱  
橫國才肯摧挫誰知火急行投足路真差側聞池上蓮  
留爲科名賀堂堂玉局仙制舉慶王佐無田無可歸九  
死入寒餓松江煙雨疎朦朧覓漁課

坡詩醉眼朦朧覓  
歸路松江煙雨晚

疎疎江距

州廿里 我亦別家江推蓬悵無那

慕頤山

黿頭矯西南牛心絡西北連峯來象耳東曦詫朝匿金  
墓喧聒人何年化爲石膨脝腹先漲腸睽眼交射頤中  
復有物頰頰擢蒼壁官私都不知蠅氏孰司職得非學  
道流緩火鍊丹液丹去井尙存爬沙竟竊食玻璃江色  
明照影試推測遙遙扇子山一碁眩梁益蟲魚費考蒐  
巖岫負登陟前路是蛾眉敏舩墮空碧

青神舟發四首

澗碧山紅路半迷江風吹影皺玻璃清霜病葉全無準  
指點疎花映夾隄

五渡山邊水復流，尋僧嬾作上巖游。  
灘聲嗚咽經聲杳，祇有神龍閱古湫。

流栝池接喚魚潭，遺字涪翁句劍南。  
不信青衣渡旁渡，秋衫染得一痕藍。

板頭船似檣頭船，載酒凌雲結典偏。  
惱亂冬行非夏課，荔枝灣負荔枝天。

霧泊

非雨非風午泊船，一篙深翳鏡中天。  
三朝大霧發西風吳諺七日徒聞豹變全，  
窟裏茶香縈細細，隴頭花影隔娟娟。  
關城如線軍如火，會掃蚩尤聽愷旋。

灘鬼謠

下灘激箭上灘引綫匪楫匪帆石心水面水枯運剝水  
漲救撲剝船招招救船嶽嶽過灘叫噯住灘翔翔我有  
身手子有錢刀子啖我賺子覆我掩含哺披裘以佑重  
險

樂山胡大尹範水送柑嘉魚

三寸黃柑尺半魚打門欸送劇軒渠成都帶熟甘如許  
廣志成都平  
帶柑大如升丙穴鱗纖美不虛羅帕沾香回夢後銀盤  
得味放餐餘木瓜封蠟鱸翻雪一種鄉心各起予

方響井

卽丁東洞涪  
翁改今名

畫井肇軒轅其匡乃中萬掘泉規以方于義了無取州  
城枕高標戴石兼戴土四角安銀床兩旁失玉虎一泓  
鏗窈然微泉滴縷縷和如環珮調淒若鐸鈴苦丁東連  
曉昏左右得微羽涪翁試汲初小院已千古作詩爲更  
名水樂在洞府何如湖口遊石鐘浪聲鼓

自凌雲渡登第三峯

蜀山如畸人可憐不可卽嘉州山最佳靜女露婉嬾一  
笑今日成濃翠染巾烏連峯兼良爲而作坤爻畫石磯  
冒苔痕沙徑泣泉脈不知混沌初誰手穴蒼壁模糊瓔  
珞胸拉折脚跌膝無多花雨邊笑許展瑤席九頂競紛

摩三川洶全揜隔堤人萬家杳靄散點墨潛渡慨蠻夷  
劫砦驚草澤俯瞰峽邊船數莖鬢爭白

凌雲山壁大石佛

岷水來自東蒙水來自西沫水來西南其衝山作隄山  
下蟄鮫鱔山上騰虹霓峭立此終古撤漩聲沙澌九門  
突萬軌舟勢輕鳧鷺自非道人道焉得慈航慈椎鑿肖  
五體坐卧忘六時堂堂彌勒相競禮天人師覆以千花  
塔智燈明琉璃於時韋南康讚嘆雕豐碑厥象類金狄  
厥功同石犀我鄉近淮海橫絕支巫祁此佛如有靈雷  
雨俾徙之江流旣以平河流亦以治長歎凌危椒浩浩



天風披

胡範水徐臨泚兩大尹招遊凌雲山

眞見凌雲載酒從江心綠到第三峯  
龍巖窟撼諸天動  
鶴鶴巢懸下界封樹色迴浮樓堞半  
蘚華濃沁刹竿重  
分明北固山前景好語吳僧般戒鍾

寺僧禮汀京口人

金身百丈挂藤蘿高隼盤風怒若何  
盃底銀濤倒三峽  
座間翠岫直雙峩竟無葛相持籌蹟  
早有巴童蕩槳歌  
爲報東南賓主美羽衣吹笛學仙坡

望烏尤山

烏尤本烏牛羣飲厲其角力爭三水衝矯首示躑蹌渠

非秦守醜名竝離堆卓延緣九頂間斷裂驚一斫丹樓  
與赤城密蔭森帷幄上有鷹鵠巢下有龜蜃擲中有磊  
落人蠹魚註斑駁臺荒巖尙留迹詭語從朔江流寒泯  
泯江月浩濯濯凝睇思悠然焦山此可學

登嘉州城樓望峩眉山

峩眉縣傍峩眉麓縣裏入山糧裹宿嘉州距縣猶兩程  
何處寒江墮稠綠好風吹我城西樓左龍右鳳前烏牛  
迦陵相喚重回首百里一髮橫清秋淙潺響水橋澹沱  
集雲寺中峯雙峽高半天上界遙看只平地長杠架空  
蘚花鈍上者猿挂下蛇褪濯溪鏞石瘦成拳綴磴怪松

矮扶寸琪花瑤草人莫名鹿璫鶴縞羣歡迎太陰積雪  
闕萬古爾得何術歸長生冰霜汁冷爨難熟好喻元溼  
餐黃精鬼谷逝不還真人呼不應補天畫卦踪在無巖  
洞佛光夜初定初如暉錦團古囊倏如屏雀五色披文  
章又疑彩虹狡獪暈雌霓不爾金墓吐氣如輪華月升  
東岡大千世界到慧眼何況青城瓦屋黛痕歷歷縈平  
羌迴颼颼送鈴語卷盡白毫闌寥宇惟有玲瓏蒼霰  
千萬堆舊衲雲山照如許我聞岷嶓蔡蒙奠梁域牙門  
野處秀終暱太沖入賦致能記從此蛾眉露顏色齋鐘  
粥版輪導師畢逋烏尾歸故枝且邀白石三生夢獨詠

青蓮七字詩

附  
同作

姚蘭泉 秋塘

梁州四山紀禹貢誰撫星宿遺娥羲有山峩峩偃闔  
闔一雙對峙如蛾眉美人目成不可卽秀絕雲際橫  
參差金鑷刮膜一憑眺龜龍犀鳳羣峯隨大峩蔽陽  
景中峩半糊之小峩雖遞減猶被罡風吹八十四盤  
通帝座猿升蛇退無由施琪花瑤草珍禽怪獸到眼  
若箝口何況合離遠近涉想而懷疑仙子呼欲出狂  
客歌莫知竺國形象遍震旦自西徂東首莅茲布金  
卓錫宏梵宇粥魚茶版容禪師雷爲鐘鼓助鏗鞳電

作燈炬明琉璃雪如堅玉積寒暑冰或雜米耐蒸炊  
佛光湧現暈五色浮空愴悅罕定姿天孫織機颺錦  
采女皇鍊冶騰石脂我聞五岳多異境兜羅縣影紛  
歲蕤逝將裏糧擴奢願匡廬羅浮武夔黃海各各探  
靈竒勿使矯首頓足徒付管與蠶不然巾箱遍繪眞  
形垂剖却芥子藏須彌

道士灣

危亡道士磯楚江膽斯破沿緣岷右來蹋浪恣顛簸併  
命抗陽侯撒髮意則那碾渦深百尋似憫老蛟餓飼以  
萬斛舟一擲碎於劉琳宮剗層巖大旗閃法座何人爲

棧天鏟此山骨大或爲二華擘或爲九河播非無醜酒  
酬兼有撞鐘賀乘月起棹歌吹笛我能和

犍爲

縣有孝女渡

縣郭圍山翠沈犀蹟未磨去津浮玉磬絕峽赴銅鑼鹽  
井冬留筴漁家霽著蓑果然風物美有女亦曹娥

敘州北樓作

北樓憑眺勝東樓雲物蒼茫倚杖收一郡蠻煙迷楚道  
五津人語下渝州蔗田晚熟竿教舞蘭畹春榮佩欲投  
分付朱提雙飲瓊鎖江亭上豁千愁

自鎖江亭放渡遊涪溪

大江控孤城使掌北門鎖鎖江行剪江截流胆斯果高  
岸三數尋纍纍蔽蓬賴苟逢遊境偏豈惜涉坎珂村煙  
曉疎疎溪響冬頗頗涪水所不經而以名錫我翁來溪  
遂名翁去石猶安懸厓雖一拳方峭若堂堦介節旣崢  
嶸清流亦潭沲且學飲牛人逍遙石橋坐

涪洞

笙媧驅大星夜墮野田陌竹樹渺寸萌渾沌太古色一  
竅誰鑿開上下勢披磔上爲鶴俯尻下作卵伏翼中象  
離卦虛截然斷兩畫洞門陰氣蒸積霽罅虛白蝨行苦  
緣紆鼈戴懼跼躄欲壓未壓間稍稍展笱席巖壑雖區

區勝絕冠戎藪惜無泥飲人春酒拈重碧

涪亭

探奇畢涪洞一笑旋向西自西旋自南乾蘚梳壞題孤  
亭縛樓毛舍石無可梯亭前拂茅屋亭後縈麥畦雖無  
帆江影亂山雲與齊亦有黃葛樹擁腫根塞蹊冬花時  
亂開凍鳥常息啼昔我搜三吾幽景爭蔽翳今我窮三  
涪場光現端倪作詩告涪翁何用供芹藿

流盃池

流盃池水不盈掬縮本壘成武夷曲信手疑翻圓陣圖  
轉頭儼覆方枰局我來爲池非爲酒知被窪尊嘲土偶



我今愛池尤愛山笑共羽觴亭敞帶池南池北無寸泥  
獵鳥徑絕陰風淒羲娥子午一留照龍蛇篆古搖玻璃  
石質雖存字形壞南宋元明笑爭界客座長同北海傾  
詩翁只下西江拜詩翁孤耿弦激矢朝上封章夕遷徙  
杜陵配食竟蘋蘩使君促宴曾羅綺水中盃是掌中盃  
水去盃傳醉幾回雙井茶香歸夢杳數株甘熟諫書哀  
戎人蔡次律軒前有廿數株治翁名曰味諫戎州尙較宜州樂識語蕭條葢  
棺惡詎憐黨禁到文章應見貞魂戀卍壑中巖靈蹟渺  
前塵一瓣香燒何處真創載試看浮白地直聲每動吊

黃人

登鬱姑臺

鬱姑臺似鬱孤臺  
杳渺霜鐘法界開  
亂水北吞三峽下  
斷峯南擁七星來  
荔枝一過霓裳散  
桂樹重招鶴馭哀  
爲是兩川冠冕地  
醉扶藤杖獨徘徊

野泊

落漲參差野渡偏  
半隨步履半乘船  
呼雞客到評書價  
叱犢人歸問酒錢  
鷺影淡於前浦水  
菜香濃似晚春天  
桃源雖好喧難避  
處處迎神簇管絃

晚次南溪

偃裘聽寒江江艇宕  
暝色月暗鴛鴦圻  
風瀏鷓鴣磧知

是縣樓來數燈澹無極

江安

九龍灘似虎脫口是江安  
綿水光交汜璫厓響未殘  
槎頭魚味美坊底橘香寒  
試訪雙松道飛霞屑玉餐

納谿

納谿谿水是雲谿裂破牂牁地  
軸低一自掇旗灘畔過  
長江無盡亂猿啼

瘦木

陰林冠柵樟餘材賤蓬梗蕭森逼  
九霄輪囷蔽重嶺  
劫侵火雷計種失壯竊鬱氣山澤兼  
鍊精日月併墳起

漸隆隆星懸突耿耿氤氳松脂膩磊砢柳肘獷如龍垂  
頷翔如狼跋胡騁如牛鐸挂膺如犬書繫頸玉莽顛可  
藏月支頭試請得非齊女瘡道是羊傅瘳匠石棄弗收  
賈胡識獨省瑾瑜終匿瑕金錫貴出礦蹠鑿審徽痕媵  
理解芒穎聚爲錦石斑散作縠波影个樣女鬟披卮文  
佛胸秉綬綬戢翼蟬隱隱負殼塵皴非畫苑摹繡豈粧  
閣靚刮膜績旣成鬪角巧相警大用飭几屏小試中槃  
皿物情姑推測世事漫酸哽甚美必甚惡孰枉又孰偉  
寄生榮須臾息慮愼俄頃當門蘭質傷近社樗壽永燈  
竿推計緡廟棟價論餅不經神扶持安足自獻靖偉幹

天所儲奇器聖屏柞氏弛禁寬梓人考工整驚世露  
文章隨時發光景此道似掄才以德毋掩眚安誦養生  
篇短衣裁澗領

喜聞官軍復收美諾

虎穴軍重入雕弓凍折膠神兵驅七晝喜氣送千郊伏  
醜纓須請論功刃未交煩寃多舊鬼破涕待封殺

瀘州咏懷古蹟

迢迢睎古耿祠燈師氏衣剋儼式憑一代清風論大雅  
萬邦成憲告中興崔巍封斧雲埋骨窈窕彈琴雨濕膺  
目斷寒流遲膾鯉車攻何處問荒陵

法言正考前聯吉甫矣四川通志瀘

州東峯有尹夫人墓琴操尹伯奇死吉甫作子安之操

雲峯縹緲枕江湄憑藉舟人指漢基稍喜伏符騰王氣  
爲憐破卵建靈祠童提有象懸眞主寇盜何方護少兒  
莫笑州民罷冠帶銅駝紫陌草離離

羽扇綸巾廟祀同寶山形勝極穹窿渡瀘未必紆東道  
伐魏寧論競北風七縱神威先六出兩朝子姓自三忠  
江陽可是生申地配食猶虛董侍中

寶山三忠祠祀武侯及子瞻孫尚蜀

志董允父和傳南郡枝江人也其先本巴郡江州人卽今巴縣近人瀘州學記以允爲州人當悞

澄溪溪口木蘭船平遠江樓思邈然雙闕風濤穿二險  
一城煙火閱三遷居民罷采羅星硯過客閑烹滴乳泉

誰信都曇喧鴈鼓百花亭館似春天

尹伯奇琴臺

臺下泪波腥臺前病葉零沈江娥媿節在鎬姑分型釁  
起門帷舛聽緣室第熒履霜彈切切激瀨和泠泠掩袂  
哀誰俛蹇裳恨未暝莽蜂身悄怳離黍弟行行死孝愚  
夫憫徠神醉醜靈猿聲連古峽蘆影斷疎汀親過磯難  
已家屯網適下放流循皓白悲怨達蒼冥地補桑經注  
圖遺孔殿形申生量一概公道在西銘韓詩伯奇弟伯  
封作黍離論衡  
伯奇放流首髮早白孟子注伯奇仁人而父虐之  
故作小弁之詩曰何辜于天親親而悲怨之辭也

黃葛樹有序

蕃產也似榕而小宜柄戟今敘瀘間多有之  
欬歔乎哉黃葛非葛樹非樹枝幹槎牙併一處幹爲空  
腹枝肋之虺蔓虬鬚莽回互我疑是東岱松鱗爪不攬  
之而龍我疑是南海榕禿鬣不蔽方畝宮穿厓裂石太  
無賴下士笑汝來安從邏沙城邊舊草地移種續紛鬱  
生氣一本俄成千本身十年那作百年計棟梁大厦非  
汝勝樵爨中厨却汝棄蛇矛丈八左右盤托命在柄風  
號酸因心運臂臂運指執殳制挺喙等閑只今黠兵過  
賊寨帕首弓腰日隆外壯丁遮擊雖寸功樹木終爲人  
倚賴嗚呼黃葛真遇時嗚呼黃葛毋遇時婆娑偃蹇老



巖穴以佐私鬪尤非宜君不見秦家白棓震西蜀葛葉  
萋萋聖人錄

瀘州屢得述菴軍中寄書

定西將軍尺二檄緊程八百緩五百陣雲凝雪雪化冰  
腕底何人飛霹靂一聲落紙山岳搖太白出地千丈高  
尊酒細傾歌斫地赫幌隱隱騰秋毫初言入釜游魚哭  
繼言落雁軍容簇後言七日犁庭無數糧栖萬竈熟  
男兒豈必手斷南越頭飽看飽聽願亦足復言講堂古  
柏傳文翁諸生誰繼相如雄五架五間飭材好落成飲  
至需春融軍中學易悟易理小衄母怯勝母喜書招贊

普謀未臧城築因杆願非侈三瀘城邊瀘水分渡瀘人  
去思前勲賓寮整暇有如此將軍辦賊何足云

述舊寄少鈍及舍弟泉之并示陸耳山徐玉厓  
吾邑析瀘城共飲春申浦科名雖較衰人物足誇謝賤  
子起寒門奏賦濫腰組歲籥記丁丑不曠閱壬午代興  
賞凌雲趙陸氣如虎趙也媿雅材笙鏞震堂序長余懼  
十年陸弟背同拊余弟在是秋亦聽鹿鳴譜兩家赴計  
偕竝發邗江澣每思步笛邀或學墅棋賭火攻爲我愁  
跨竈爲彼許暴譴如鄱陽藉用相吹煦陸亦來修門翦  
燈歛鄉語落地杖代攜咬春梓遞舉館閣皆閑曹莫道

作詩苦計字縑預酬催句鉢齊鼓典誥宣樞庭修書惠

藝圃未藉狗監交應達雞林賈堂堂華海張

少華熙純

乙酉

獲袋取

四巡四制科百里富翹楚誰以連帥強而敢

薄邾莒病肺張早俎無復哭宿莽亦有徐廸功醉吟了

官簿往來趙陸間可酷亦可醕昨書進士名麻衣慘歸

觴云當勸薛公

少文龍光

來擘麒麟脯使益吾不圖喜近征

西府中有從軍人勘檄夜三五相聞不相見一錯竟如

許返旄奠椒漿故人卒何補比聞平原靡文采動人

主郎官改槐廳漁洋後惟汝趙亦贈清卿碑額待規璧

喜心迸枯泪一一怕追數幸忝金石交筆弱敢吝與其

戚痛痕瘡其寵炫毛羽復得吾弟書薛也死鄉土青霞  
鬱奇氣子衿尚藍縷非無玉屏集長恐覆餅鯀東野誰  
是龍東方終似鼠文人載通鑑死事力眞努方當銘尊  
卣豈屑校華黼門才今古難君等實強弩竝訊陸與徐  
詩成響淒雨

戲題所乘舟

廳自玲瓏版自鋪圓蓬特地改方壺他時盡入屏風裏  
應勝巴船出峽圖

酒熟茶香午蕩煙竹枝聽處思悠然可憐暮雨瀟瀟夜  
曾住吳娘六柱船

騰八夜泊斗坎

如此佳風月灘危興漫乘亂山圍野磬枯溜貫疎燈岸  
峭龍堂出沙低雁戶增雖然無粥飯倚醉且膏騰

晚次合江

石鼻浮灘險孤城第幾灣亂濤吞鱗部疎火吐符關僧  
去齋鐘冷樵歸渡艇閒只餘盞酒美酩酊坐忘還

江津

曲水文如几滌澗抱馬驤白沙邨上下石笋縣西東夜  
杼蠻輪布風檣吏輓銅夔巫知不遠惆悵峽霞紅

大茅峽

頃過黃谿沼遂指大茅峽峽底蟠大江峭作風屏插又  
如百丈城礪裂勢欹壓荒灘倚孤艇笑與椒圖狎彳亍  
循石梯葛蘿無可插中央坵數筵兩臂窘持夾狼挂兼  
蠓旋屐響慘颯雪架閣高層層附麗肖廳甲削成彌勒  
龕莊嚴法王法毫光盤髻螺香火裊爐鴨隔江山萬重  
獻態媚不乏車亭浮一卷煙濤莽噓呶森然動我前危  
汗透背胛野鷹翻翅歸過眼在俄霎翻嫌虛牝多盤窠  
此恰恰誰種黃精苗胆驚忘荷鍾

與泉之

吾弟都亭別平安屢費猜夢懸愁共倚書到怯先開抱

槩疲官課圍爐泥客陪明年小兒女好上學堂來

渝州懷古

三巴舊是梁州域峽接黃牛蹟未磨萬古塗山紛衆說  
一鄉石紐記頻過蕭森黻冕叢祠迴飛動龍蛇壞壁多  
何處竹枝聲夜起蒼茫如聽候人歌

太皞支分歲月悠姬宗開國斷春秋地形高據三江會  
王氣遙連百濮收環佩有魂歸楚女芻菱無力救苴侯  
可憐蔓子捐軀後從此將軍半斫頭

剽悍軍聲屬漢家英雄草昧竟分瓜如聞信史書通幣  
蚤見降王走傳車裹血尚沾荒壘草銷魂偶發故宮花

剪屠更憶東川苦黃虎披猖骨似麻

八門長閉九門通鱗瓦差參結構重古渡鶯花千葉艇  
好山金碧一枝筇果園要置春官晏丹穴難求寡婦封  
細拆牀頭淪瓊美笑同賓幕餞殘冬

巴蔓子墓

爵命纔班子麟書未僭王乞師行蕩節戡亂爲蕭牆七  
日秦庭哭三城趙璧償寢門看倚劍宗社賀苞桑信誓  
頻煩責嚴詞忼愾當尺軀拚付與寸土要留將節槩隣  
邦動支骸故國藏爲園經剗削遺廟問蒼茫縱少匡朝  
績猶存應敵方獻頭燕竟覆函首宋終亡俗薄論酬報



時艱仗激昂釣魚池畔路魂魄共襄羊

土牛詞

土骸一闌春一城青旂綵仗東郊迎跳踉偃子導歌舞  
牛聲不聞聞人聲人牛一力裹春意太皞幡然受牛餌  
文繡何勞莊叟嗟鞭笞且聽坡公戲牛角彎環牛首羶  
爲牛爲土象占坤來朝試上譙樓望幾輩扶犁耕水村

渡龍門至覺林寺過寓公勞同年

珠

偕至塢頂

外水趨古渝奔流極雄鷲作鎮矜塗山遂挾禹河號雲  
根點江岸疊勢若穿鑿扁舟機斷厓失喜一僧導蒙密  
蒼磴間冬畦潤於膏良久辨刹旛蕭蕭颯風翻蓮塘方

郢交竹榭圓笠冒櫺櫺雜樹叢格襟亂禽噪息心拈野  
花故人此相勞諦觀龍藥又一一究堂奧後有翠堵宮  
放光夜頻告累石如累棋九轉頂始到雖教闌轡安不  
假金碧耗登眺塞衆峯景物阻深澳云是白足師持爲  
母恩報師在塏是營塏成師久悼碑材擇尤良最肩力  
排昇我無妙明心僅足効汜埽嵌壁尋舊題撞鐘傲羣  
毘舉翰凌天風超遙謝時好

覺林寺淳祐花銀歌

有序

銀黝黑兩端翹而橢重八兩所謂一流也其  
文曰淳祐花銀蓋宋理宗時製花銀有三足

色成錠面有金花者爲上次綠花黑花見格  
古論要巴縣覺林寺僧月江誓願建塔捐戴  
石土爲基應募者苦之忽伐石得錠六衆爭  
捐焉事在乾隆己卯其五已散月江易此爲  
鎮塔成時月江已化其徒示客云爾

精鐮沈沈玉鉤大殘字糝黝黑龍卧六百餘年封錮牢  
誰供月師伴行坐月師造塔森九層碎捐雲根負綱馱  
廿旬畚揭深尺餘受直諸傭氣積憤噉片石閉鑿開  
磊落餅金訝天荷其五揮散其一存能典袈裟換幾箇  
我觀禹書貢三品上中下幣自秦作漢皇平準析錐刀

古縣朱提給官課富藏外庫推建隆欲固本根逮糧莖

淳化已湮元祐非幾次改元枉紛賀頻歲金繒西北加

連州交會東南破

交于始于太宗  
理宗始置會子

講席雖陳聚斂箴權

門自拾徹田唾民膏消耗邊釁滋賣國牙郎名驚邏此  
物空填閭馬丁此邦近接瀘戎播綠花黑花名不誣如  
璞經選穀經筵是爲八兩符一流好訂新編補食貨升  
人遺利誠區區肯質豪家捄寒餓鬻牒休論稗政沿鎮  
山豈受塵踪澆飲器蒼涼含貝虛布金龜勉磨鍼挫摩  
抄弔古臨眺今寶氣佛光夜騰座

白華詩鈔

南滙 吳省欽 冲之

劍外集四

起甲午正月止二月

渝州元日示秋塘六峯榆墅

江柳江花拂曙多東班祇候領鳴珂  
教停越客通宵語來聽巴人下里歌  
諸道烽煙終歇絕清時風雨易調和  
逡巡且酌屠蘇琖我是飛騰四十過

朝衣試後試春衣鈴閣森沈點漏稀  
儘爾逍遙甜黑夢共誰宛轉蹋青歸  
馬頭鏡吹聽將近鴉背觚棱望蹇違  
回首吳雲連楚水鶯花如海菴柴扉

佛圖關

累甌下重山山容淡眉嫵江春春早生深樹辨禽語僕  
夫先告勞關門抗修阻刺天森石萌萬丈蔽闌櫓前開  
閔利藩後按夔巫部將無五丁力盜割蓬萊股內水激  
哀琴外水激瀆弩設險茲必爭戰血翳洲莽當時夷獠  
羣盜兵瞰城府大刀來一提颯爽動風雨世靖走魑魍  
疆巖據龍虎太息紙錢飛殘瘡掩黃土

關下多瘞  
戰歿軍士

自白巖至梁灘宿福善寺

揚鞭指東川亂峯塞天大山泥沾曉雨新犢飯殘莖村  
扉闔不扃獻歲或來賀蒼藤間綠蘿冉冉暗香過野花

多可板壤蔬亦可課頗嫌登頓煩局促礙鈴馱碧霄如  
有情故遣縉雲墮上方照纖月曲几對孤坐鐘磬賞轉  
清酒漿禪欲破却憶下灘船蒼茫枕煙卧

新市

一名八塘

窈窕初三月崎嶇第八塘亂山沈石鏡古縣界銅梁抱  
葢蜂遊早闌林鳥夢長匆匆滯行李何日試溫湯

合州

碧流漾嘉陵東與宕渠合涪水支絡之涌湍撼城闔揭  
來占歲初暝候改衰颯風信迸桃李波文蕩魚蛤轟歷  
人語中浪花掠鏗磬殢岸千百尋連街十二市如蟲屈

步升懷古坐忘嗒昇仙迹近誣瑞應記空譜光燄誰較  
長少陵樓納納山程餘悸多此不厭紛還大藥訊靈苗  
荷鉏倘余答

望釣魚山

林臯淨春煙妍景在薺麥雲嵐映淺深盈盈水猶隔水  
邊垂釣人澹蕩坐磐石水流無盡時人往有遺跡遷治  
匪自今觀物契從昔村鼓聽闐如幾行鷺飛白

觀音巖

哺發利澤場投足涉夷衍斷橋修竹林牧兒弄蘆管導  
行沂層坡北折踐牛曠削成類昆吾連岡勢席卷儵倅



抄歡顏皴瓢有虛窾老蛟化怪藤伸爪肆搏掄山薑皆  
倒披紛護石虬卵捫手擬循墻蓋頭喻覆盃側身望青  
冥天罅日華短始知行路難雲霧不可撻蓮花妙莊嚴  
西來示跌袒佛性忘喜嗔已曾絡蒼蘚偉哉神鬼工孤  
往利用蹇前路杏花繁人家帶深畎

金山舖

獻賊伏  
誅處

幽箐鳴怪鷓陽暉晝西匿虎俚逝颯然霹靂箭鋒直受  
降嗟穀城養賊復驅賊遂使益二間雞犬不留迹甫聞  
夔府屠洵告成都逼仁愛天所窮殺人快供億方其焚  
巢遞意態轉凶愎三謀三被刑申討謂堪敵層巒噓毒

白華詩鈔

劍外集四

三

霧警眼蚩尤踏到今  
巒肉地害氣長芒棘遺識世尙傳  
元惡 聖先殛擾攘十三家  
鑿削靖滇焚笋輿今蚤經  
清眇驗規畫鼓歌近春社棠梨先寒食  
山村百歲翁豈復解兵革攬古心激昂太平事生息

自壁山至南充道中雜咏

行是渝州住果州  
亂山野店接官郵  
春風吹面人騎馬  
抵得斜川五日遊

讀書臺竝釣魚城  
笑倚桃絲竹杖輕  
合作仰家聚頭扇  
東川新樣勝南京

樹擁荒莊竹覆溪  
斷無碌碡碾春泥  
山童細剪元修菜

要點辛盤乞醉題

磔磔斑鳩穀穀鴉午煙青處見人家一奩滿貯連宵雨  
開煞新年兩部蛙

薺甜笋苦韭離披不種來牟種茜卮聽遍前村珠絡鼓  
雞豚爭賽竹王祠

浮蛆開瓮酒旂紅仄岸危缸宛轉通髣髴湖村寒食路  
金蠶石馬紙錢風

二分桃李一分梅人日撩人爛漫開指點壺漿迎道左

隔江遙唱野鷹來

時荊州官  
軍過境

習靜誰尋抱朴賢天網宅廢問何年萬家燈火金泉路

却說瑤姬謝自然

果州春興索假守沈五澹園和作

羣山圍野水圍州鄭重雲旗賦遠遊挑菜乍交人穀日  
傳柑須話鳳麟洲觀星夜閉譙侯宅開漢晨登紀信樓  
試向炎劉數興廢幾村謝豹喚春愁

板楯輸錢世代賒角聲悲壯控西巴已殲白虎申秦誓  
未表青衣改漢嘉荒筭鉤輅頻過鳥壞墻躑躅故催花  
兩京將相原無種車騎城高指落霞

爻卦縱橫點石斑猶龍一去杳無還不圖寒女支丹竈  
翻使飛仙響玉環縹緲金容懸殿上糝糊墨勅落人間

步虛堂冷松杉老鶴馭如煙何處攀

連街燈火鬧連宵扁院披吟耐寂寥銅井梅花孤昔夢

盡梁燕子好同招故人氣槩矜投筆

時見示和寄王諸考功軍中四詩

將勛名願得臬留與郡齋催八咏一時齊瘦沈郎腰

果州上元寄家人

餽分絲勝湖鄉夢宴簇銀花禁苑班今日文書堆案少

金泉山對寶臺山

笛步箏堂興未灰蠻天雨水蚤聞雷細腰屋棟蕭常侍  
可似吳儂作達來

兒女青紅鬧隔垣松窻枯坐獨忘言如聞小宋風流語

底喫黃齏作

去

上元

朝眞繡佛唱巴歛細數寶人景物殊千里月明同悵望  
有人燈市記成都

沈澹園禱拱亭招遊金泉山甘露寺

重山圍數州萬疊湧駭浪莽莽東北川天影覆幃帳  
峽絡歸果城俯仰入夷曠譬如羈羸駒失勢乍一放頃出  
城西門西溪水搖漾寄嶽隨步石短漿偶來傍喚渡笑  
未鷹花氣極張王離離草綠坡窅窅柏翳壙取道牛跡  
間人跡奮相向良久逢導師願作瓜豆餉周折升茅亭  
苔磴滑難抗閣檻收孤清惡竹塞四望咄嗟鐘磬聲飄

落上層上高眺目轉迷冥搜趾偏壯雖無甘露零却有  
遠風颺方池潄湛然暗泉互輸償優游茶話餘所歷皆  
危嶂鑿壁施榭巢到眼詫奇剝低掠鳥一行高遏牧雙  
唱散金冶不乾千頃菜花漲錯以苾麥畦繡出淺深樣  
舞鳳峯盤盤白蓮波盎盎窮巖試迴面瞻禮帝釋狀頗  
訝兜率宮而化支提藏童駭昇列仙碑版祕珪瑒寶墨  
訊已凋精藍憩較暢大夫領郡邑是邦寄保障力當犒  
饋衝帖帖息輿謗庶幾爲政閑允矣雅材尙臨去重徘徊  
斯遊冠巴閩

題澹園渠江蹋燈詞後

落燈風比試燈豪簇炬班春夜色高從此蓬山添勝事  
柳州新守舊儀曹

走馬蟠龍假面多定看金甲洗天河連宵買斷錢塘景  
欲寄梅花奈遠何

京廠繁華夢隔年米家規樣月娟娟巴賚風尙嫩隅語  
難擬清歌沈下賢

譙周祠

觀星臺畔草鋪茵鼠子分明是老臣宮府非才追蔣費  
朝門何黨結黃<sub>皓</sub>陳<sub>祇</sub>恩恩玉馬謀偏預莽莽銅駝恨  
又新天道人倫兩茫昧怪他奕代產高人

張文潛梁父吟譙周鼠子



辨興衰溫飛卿詩從此譙周是  
老臣逸少帖周有孫高尚不出

### 陳壽墓

魏書魏畧魏春秋列鼎分編義獨優勸進有文懸漢室  
辯亡無論斥吳侯姦同誤主苛前輩喪近忘親禍末流  
今日南充停廟食蕭蕭狐兔竄荒丘  
邵公濟謁武侯廟文惟史臣壽姦言非公惟大夫周誤國非忠廟食故里羞此南充當以朱竹垞論爲得

### 發南充至瀘溪宿

春行心易收畏山計程緩朝發充國城筮象協幽坦非  
無三里平亦似九曲轉前村宵雨餘漣漣響清畎牧人  
跨犢來鞭拂柳陰淺桃李花萬重錦雲麗織纂雲外或

樓臺雲中祇雞犬自尋金溪渡更涉瀘溪飲茅茨交步  
欄局促過輕幃燈候云已闌笙歌幸可選歲豐民氣和  
理靜俗塵遣謝去思悠然疎星照孤璣

永豐塲

山蔬山果壓糟香有鳥提壺喚客嘗忽見碧桃穿翠柳  
永豐塲勝永豐坊

大風度琵琶嶺

蜀嶮天下稱陰鬱閔晴曝幸無焚輪颺倒吹眯春目侵  
晨越重嶺苦霧漲羣木眼穿鳥翅騰心折羊角簇滑逕  
埽忽乾千仞澁一蹴陡立斷上升直落冥下矚輕輶

積鐵左旋右斯觸助虐誰所爲作怒土囊蓄鳶紙浩難  
牽馬毛慄先縮可憐萬犀株迎僵負斯伏我生非海鵬  
奮飛阻卷跼寸步心寸懸搖搖象旌燾焉得殺風雨社  
公夢偏熟愁聽子規啼雲邊裂山竹

南部

吾宗有道子千里寫嘉陵西水何年廢南山在戶凝賣  
鹽黃土坎搗藥白雲層借問君平洞春農笑未磨

靈雲洞觀呂道人榴皮書石刻

窮劣停雲巖訝訝靈雲洞偶循城北行跡滯興飛動漾  
水洵我旁終古絕斯凍白沙護綠疇竹霧羃虛空疎籬

三數家紛抱灌畦甕詰曲扳層坡有脚豈得縱磐陀萬  
丈橫斷壁一扇控蘚潤石氣乾扣響答如哄列炬輝極  
幽仙鼠逝倥傯左右駭搜牢高下詫騎棟舊題何處尋  
仙游費折衷座間鐵笛吟袖底青蛇弄瓜皮蘸斗墨遺  
句耐迴諷岳陽書榴皮斯舉信伯仲雖非摹勒眞足醒  
塵攘夢出谷春曠如山禽發妍呀

老鴉巖

江底插石山山迴江始見東風吹積煙危橋倚灘爨斧  
歌何處聞羣木媚惹蓊倒映千里流練光蔚藍澗泉深  
幽竇喧磴古怪藤纏陰陽旣離合對面錯冥眩神猿臂

怯扳病馬背難旋老鴉忽飛到聲勢走雷電四控巴西  
東萬古幾征戰黑水戍旂翻行程尙如綫

錦屏山

青巖山已摩黃連壩已度一笑江色開亭亭簇涼鷺鷥  
去人漸來人行鷺還遇無多春溜間指點錦屏渡高擎  
青蓮鬚下啄朱鳥味瞳矐孤曜升鬢鬢片雲吐須臾躡  
其麓精鐵詫生鑄渲染兼丹黃劈裂斷竹樹居然金罍  
罍百丈擁江路返影伴長虹坐鎮馮夷怒當時渭南老  
眺聽入游寓有懷仙聖跡每悵收樵付四院竚共新重  
城望如故闔苑倘相從殷勤鶴書附

閩州懷古示太守蔡新儒前輩

錦屏粉堞對層層洗盡瘡痕戶口增海外神山移閩苑  
州前衆水會嘉陵佩刀俗悍思循吏劫火年深辨異僧  
從古太平須備武獵貅千帳儘飛騰

石棧連雲絡漢中紛紛守戰幾英雄鑾迎七姓虛冠帶  
路括三巴長芋橦龍女潛藏何物在鼉靈臨眺與誰同  
鞦韆雙架春城暖稍怪黃塵卷朔風

百二巖疆十二樓珠簾畫棟歲悠悠圖懸戲蝶風流改  
檻納盤龍氣象收不斷仙梯扳杜老無多羌管祀桓侯  
大江東去吳天遠浩蕩誰如萬里鷗

占星搗藥綴臺基蠟屐因循負壞碑  
廟食斷難容鄧艾  
城成偏自說張儀  
定中纓珞垂千佛  
闕中廣元俱有千佛巖  
亂後  
旌幢遣六師  
指王屏藩之叛  
爲聽海棠溪畔雨  
好邀太守醉留

詩

張桓侯墓

無命官終閔爲靈  
史諡桓兒童知俎豆  
寇盜避鞭彈虎  
氣騰騰震龍雲  
翕翕蟠相依長大葆  
轉戰祇孤鞍蜀業  
希全定吳盟憤遽寒  
復仇爭卷甲赴敵定  
衝冠肘腋中  
宵變頭顱異國看  
咤聲銷項籍盤勢失  
陳安啼血英魂  
慘招衣宅兆完紛紜  
書括地慷慨記登壇  
遺佩光芒在

羣譌姓字刊淒涼華表影故井路漫漫

義山詩關張無命欲何如四川

通志閩中梓潼俱有侯墓刀劍錄有侯刀讀書敏求記侯字益德益今譌翼謂與侯名合則與關公名亦合也

### 新儒太守餉餅及魚

屑乘環膏擣製精金盤堆送作人情

杜詩糗糒作人情

厨娘孤

負麻姑爪爲報吳均賦未成

嘉陵溜緊魚難得白甲

魚名

驚看出網偏長記江南二三

月銀刀喚買箬篷船

香傳裂餅山農熟節勵懸魚郡守貧願向社公分點雨

細沾高稜潤枯鱗

時郡中望雨

### 將發闔州留別新儒太守



黛色山縈碧玉流，多君勸我賈胡留。  
小同經義傳黃口，老杜詩情賺白頭。  
東閣屢遷纔出守，西湖雖好漫歸休。  
端明舊里田園少，免對香秔憶惠州。

曾蹋明光珥筆隨，紫薇花底散差池。  
如何話雨巴山夜，未是銷烽雪嶺時。  
荒驛點兵行役久，累城保障乞身遲。  
來朝揮手臨鄴口，笑指廉名隔郡知。

夜度大侯埡

日落山鳥喧，征夫急投路。  
崇岡蟠蚓蛇，十駕九偏誤。  
積腥吹陰風，颯颯戰荒樹。  
左右苦覆翻，上下亂洄溯。  
列炬雖爛如萬象，自贖暮重關。  
抗絕頂寥落，數家聚人聲雜。

犬聲側耳慰惶懼來程一迴眺尺寸入窘步明知前去  
難馬力且傾注顧影短裘寒東峯月微吐

金峯寺

嵐翠沾遠村村盡寺門揭雙林冠孤峯板蕪徑荒絕諸  
天色相超趺坐味禪說日晴鐘鼓長風靜旌旛列前榮  
試睇望衆嶺勢如玦離離珠斗聯泠泠玉帶折愛茲山  
水滋謝彼煩惱熱籠壁是何人浮生緬勞轍

鹽亭

城外有文  
湖州祠

馬首鹽亭渡人煙動晚晴半山團小縣幾代廢孤城下  
水舩歌穩分塲井稅輕鵝溪春絹白懷眺若爲情

發閩中至三臺作

閩州城郭勝丹青十日松堂對錦屏  
海燕乍來人乍去玉臺無主思冥冥

東巖兄弟如龍虎山鬼衣裳滿薜蘿  
誰識南巖舊池館蓮花遺葉總無多

白沙翠竹霧濛濛西水分明是小潼  
渡馬前坡還歇馬天元香火梵王宮

桑葉疎疎柘葉齊平田成罨峻成梯  
浮嵐縹緲輕篔簹且住金峯覓舊題

犖确千山界路牌雙株爭露柏梁材  
最憐白鷺翻風影

老鶴鳴霄不下來

靈山南上紫金山如帶瀾江路幾灣爲酌湖州饒太守  
凌雲閣下醉忘還

楊花柳絮糝春衣新水溶溶沒釣磯占斷層坡紅未了  
木香紛搭野薔薇

桃花溪接稻花溝短短茶亭倚驛樓盪過涪江沙路軟  
今朝馬背見牛頭

遂寧糖霜

昔聞摩揭陀妙演熬糖法材從竿蔗徵瀋取木榨壓曝  
汁事不煩爲霜製猶乏有溪市成亥厥戶籍著甲橫根

接稜賴挺幹應期鋪去膚液尙含候火水相洽浮浮杏  
粥百潑潑菽乳指承盤詫菜鋪揲釜記颯雪崢嶸假山  
堆璀璨剛枝夾砂脚如積蘇鑑面若褪匣雀子鹽失珍  
鵝兒酒同狎貴紫誰所稱尙白世乃業土兼明福宜境  
越潼綿狹茶病謝紛紛蜜甜喻恰恰早垂坡谷篇竝錄  
洪邁王灼劄何日載吳船中冷沁教叩

二月十六日潼川試院念少鈍以是日自京歸  
里

千山萬水素心同  
蛺蝶南園草色籠  
念爾今朝扶遠旆  
全家幾路上孤篷  
麻衣葛帔干戈後  
碧血青燐俎豆中

莫倚江湖慣飄泊打頭何限孟婆風

茱萸灣口赴京船長記夔虻對影憐家具無多教互借  
官書不少看同編故人慷慨真千古我蹉跎近廿年  
聞道諸郎爭誓墓一碑希附姓名傳

釜魚幕燕漸倉皇祭告哀哀幸勿忘薄宦未停發婦緯  
比隣休議富翁墻東南初日曛曛轉西北浮雲浩浩翔  
昨夜曹騰微中酒還朝夢醒卽還鄉

潼川清波魚肥美過他處

鱗點銀華骨綴絲全蒸碎斫總相宜鄆江水靜潼江緩  
况是楊花覆雪時

黑頭沙綠

俱魚名見益部方物贊

鱸材虛龍鼻津邊響夜漁一折

清波數巡酒小名好補益州書

潼川紀遊三首酬王明府東廬

蕩蕩龍頂門荒荒牛頭寺寺廢跡尙存汗漫引絲轡石  
碣春水枯倒影尠嵐翠如眠或如伏斤斧日尋至剡斲  
兼熏燒酷烈甚黥劓斯首縱殯然誰牧復誰飢草樹慳  
不萌冢域亂無次簣土垂大名實拜杜陵賜君家近臨  
淄牛山迸殘泪爲言濯濯形風景適相類所幸臺構重  
鬻人假豐髮爾牛真童童前言吾非戲

右牛頭山

三臺本非臺叠浪駭三激蒼然湧西郊縣名此由錫春  
風吹袷衫取道挾茨荻向背蹤旋迷續斷望偏的雲頭  
振刹竿欲上心轉惕八牕拓空空萬井窺歷歷雙江瀉  
一杯南下建瓴甌包裹千萬山未必漏涓滴遶座自茶  
瓜蔽門但楓櫟夙聞學道人丹竈守岑冢鶴語杳不傳  
螺痕靚可覲眺古散鬱陶歸鞭隨牧笛

右三臺山

山骨排峻嶒枵然袒空腹洞門界朱闌湛湛閉寒綠鑑  
影涵一奩珠光漾千斛不竭并不盈萬古蔽暉曝文魚  
四五頭嘯沫浪微蹙了無石竇穿豈異金盆蓄重龕證



三摩華鬘耀春日香燈麗陽阿水月吐涼澳投錢來衆  
生泉底燦可掬庶幾被慈雲法雨洒原陸枯僧解我意  
酌水淪苦菊靜聽叅廣長何煩喻瑟筑

右琴泉

與東廬入琴泉寺時村人爲觀音會觀劇

朱旗繡蓋屏傳呼麥淺桑濃儼畫圖笑指琴泉山寺湧  
瘦筇幾節待親扶

雲廊法鼓響闐闐海會華嚴袒拜偏一抹春衫香霧底  
歌聲齊簇四條絃

金人火獸眩青紅竹隔瓏玲別殿通勾得浮生間半日

帽簷吹上紙鳶風

十載修門木石腸  
旗亭睹唱感茫茫  
今朝悞入遊春隊  
便惹遊人溢看場

白巖壩

午發城北門  
萬山擁圭撮  
鼈背無片苔  
荒磧莽鞦韆  
清江如綫來  
要解赤烏渴  
白沙縈遠村  
所向頓空闊  
曖曖嵐霧橫  
蓬蓬水雲活  
好風湧綠疇  
弄影上木末  
迢遙香積場  
幾輩託衣盜  
巖下藝禾麻  
巖前種杉栝  
傍巖田父居  
竹光護門闌  
攬巾感黃塵  
何時重披豁

寒食前抵綿州驛  
舍記去年亦以是日舍此

旬來山雨稀飛埃漲畦稜夷庚就左綿溝澁失汀滢乍  
別猿門鐘復下馬嶺磴柳陰撐釣船呼渡響斯應偕行  
三兩人適館坐圍定粟留啼漸闌鼠姑落無賸分明寒  
食天風候故庭逕往歲轡嘗停今朝闌載凭鼎鼎百年  
間有酒且持贈一派芙蓉溪春酣試乘興

漫波渡

讓水不可航廉泉不可汲驅馬臨漫波蒼茫感遙集謫  
仙望隴西長庚夢投入談笑王侯輕識賞將相及區區  
詩酒豪奚足當豎立白頭歸未成萬古照鄉邑匡山雲  
覆漫涪江溜瀟瀟靈風何洒然禾黍動原隰豈論祠墓

存多恐鬼神泣青蓮出汗泥冉冉妙香襲

江油雜詩

龍州南下水粼粼野戍移來小縣貧惆悵棘陽兒過處  
荒祠誰祀李夫人

漢壽城邊稅未停秦川間道走馱鈴溪靈不爲神仙尉  
也放閑雲入古廳

天倉天柱曠躋扳石麵勻磨一飽慳種樹祇誇黃樹坎  
求魚休問白魚山

長庚飛去歲三千書劍淹留愜靜便無數青楓沈鬼火  
點燈山路獨飄然

連朝苦霧散迷濛  
蕪熟蕎生卜歲豐  
却怪清明花信早  
竹闌落盡亞枝紅

屋後嵐光屋右城  
鉤簾一笑眼雙明  
東風入夜全無賴  
亂打春灘作雨聲

贈平武教諭巴州王世沛蒼水

泮宮先生將家子  
鵠印龍鈴棄如屣  
學書豈爲記姓名  
游宦無煩去鄉里  
剛氏學舍低打頭  
終朝一餐冬一裘  
關尹五千雖有待  
門監七十更何求  
自言少小一人敵  
日高超距夜鳴鏑  
金梢飛裊雪鋒寒  
滿樹梨花影團圞  
昨年風鶴到成都  
烏府相要禮數殊  
恥遣尺書招贊普

願將寸組繫單于君看槍法通兵法進攻毋狃退毋乏  
守已先從養氣叅乘人轉爲忘機洽落雁軍聲京國來  
拂衣歸指講堂開挽强空負顏高譽倚重曾需劇孟才  
弓腰帕首舊裝束久戴儒冠辭部曲虎魄當杯爛漫紅  
苔文遠砌森沈綠蠹簡叢殘霜鬢深陰平閣道幾登臨  
但尋黼黻卿雲手莫論衙官屈宋心

鄒雪泉明府招同秋塘六峯遊寶圖山作

圖山在南徐賺與金焦副古戍稽江油是山姓以寶寶  
仙字子明投簪隱巖構試看鼎竈遺尙闕香火壽三春  
遲日妍千里走祈祐嘉遊彼詎知遠睇我早覩雙峯何

嶄然離立狀如鬥其下如崇墉言言亘高表幾疑大劍  
關移鎖錯昏晝連朝天老晴蓬勃苦難漱薄陰披袷衣  
西平渡懸溜餌炊麥隴香糞壅稻溝臭鳴雞吠蛤聞取  
徑逐颺狄自登接待堂嵐采沐巾袖青桐霧氣涵白薇  
露香透遂辭韓童去直向靈官叩螺旋歷幾層陡絕幸  
不仆畧同粉蝶排或學畫檐覆元氣所結成百頭欠一  
秀漸聞鐘梵音齋房履青豆當面起危巒打頭探虛岫  
花鳥寂無言相看益蒼瘦再上凌百盤欄楯冠鬣鬣兩  
條碧玉簪森對若雙埃孰云劈斧皴將謂累丸湊譬以  
磊落姿零星嵌教就摩厓伎粹窮鍊石理誰究此間眩

神鬼綠章待親奏載填橋繫繩俾運瓦通靈焉用千百  
羣朝眞事炷灸守門鹿最馴歸路馬須驟孤僧送自厓  
喜靄悵迷霧

觀雲巖寺僧天虛度鐵橋云每傳惟一人能渡  
南厓北厓抽玉簪老死不邀遊屐臨竇眞鍊鐵長十尋  
似橋非橋索非索分繫兩頭著雙脚別繫一條手斯託  
下瞰萬丈行徑微不淵不礪無蛟夔蹉跌失勢身爲泥  
戒僧骨瘦解飛渡脈脈跂跂等平路結香火緣永朝暮  
彼岸琳宮方畝餘以鐵作瓦仙廼居打鐘伐鼓驚玉虛  
其旁小山擬蓬島亦有鐵繩直如綬咄爾依然事焚埽



疾翻駭鳥高挂猿集木騎危兼肘跟代傳無二神祐尊  
假神眩人聽頗倦巧者祇因習者便回人繩伎眼親見  
鐵橋峯阻羅與浮天台石橋吾未遊虛乎雲巖期久留  
歸抵綿州得澹園見和金泉山詩竝言與拙詩  
刻石爲亭賦答二絕促拱亭同和

金泉山頂留詩別昨次東津見和篇五步笠亭兩圭碣  
祇應破損沈郎錢

朝籌扉屨暮儲胥吳體卑卑劇棄予莫比羊何勝罰酒  
褚公兼有絕倫書